

德清縣新志卷八

人物志 二分編

人物皆列傳也區統編分編既如前述分編之中侯志分儒行名業端鯁文苑武功宦歷忠節孝義厲賢高隱列女方技釋老別傳共一十四編而周志則云人之所長不可以一節概故統稱人物另列釋老列女以別之今除別列列女刪列別傳暨端鯁宦歷括入名業釋老易為方外外餘循舊例區為十類曰儒行曰名業曰文苑曰武功曰忠節曰孝義曰方技曰厲賢曰隱逸曰方外以歸納之不欲多所更張炫奇標異且有繼前志而續述者如蔡奕琛之入名業有因國史而直錄者如俞樾之入儒行其事蹟甚顯其應分類也亦顯此又有分編焉仍皆列傳也惟其人應載前志而史又有專傳者則提明之而未另附事實藉避繁複

列傳

德清縣新志

卷八 人物

儒行

沈麟士

〔續侯志〕南史作麟士字雲禎南齊書南史均有傳

沈文阿

〔續侯志〕所撰儀禮八十餘條春秋禮記孝經論語義記七十餘卷經典大義十一卷行於世卒於陳大光二年時年七十有五贊曰先朝遺太叟榻下白雲多歲寒知松柏傾蓋且狂

歌〔節沈氏家譜〕

許孚遠

〔續侯志〕明史列儒林傳

蔡啓傳

〔續周志〕號岷陽性淡泊無華幼隨父任在都門受業攻苦異常兒後返里父為者曰將上書闕下請以身代已而事解得解組歸清順治甲午登賢書丁外艱哀毀骨立人稱至孝五上春官皆不得意至康熙庚戌捷南宮殿試第一人及第主順天鄉試得人最盛丁內艱闋起為日講官陟右春坊右贊善翰林院檢討以病歸悠然林下數年卒啓樽於學無不窺尤精於天人理數之間嘗著洪範五行傳為講官時陳之工書法得魯公意詩宗王孟著有燕游草存園集兄弟五人皆極友愛戚黨之貧者周之子弟之佳者誘掖之居恆絕筆牘然事關地方利弊者必進公庭力言之卒祀鄉賢祠

許宗彥

字積卿號周生祖京子九歲能讀經史善屬文青浦王昶愛其才作積卿字說十歲即不從師經史文章皆自習之清乾隆丙午舉於鄉嘉慶己未成進士授兵部主事是科得人最盛朱文正珪曰經學則有張惠言等小學則有王引之等詞章則有吳才鼎等兼之者宗彥乎性孝友神志澄淡見者肅然敬之入兵部兩月即以親老引病歸連丁內外艱既免喪猶樂然惡衣蔬食恬澹無宦情遂不復仕居杭州杜門讀書於學無所不通探蹟索隱識力卓然發千年儒者所未發著有鑑止水齋文集十二卷詩八卷

集多說經之文其學說能持漢宋儒者之平其周廟祧考世說考絃一鑑止水齋卷十二  
一能發章元成劉歆鄭康成王肅所未能明故其立身制行具有本末文章深博足以躡  
梨洲而跨堇浦一陳壽祺撰傳一平居不苟言笑不輕然諾人有急必周之尤加意寒士  
凡有義舉捐輸恆倍他人人生平寡嗜欲惟喜購異書不惜重價於書無所不讀旁及道藏  
釋典名物象數必躋其奧而後已尤精天文得西洋推步秘法自製渾天球  
別具神解詩古文辭匠心獨出卓可傳年五十一卒一蔡之定撰傳一

### 蔡之定

字麟昭號生甫晚號穀山少穎異家貧力學入邑庠清乾隆己亥舉人癸丑進士  
有不合意者酌令簽改之定爭曰某官可去某筆不可改也久之羣服其見稱真史才擢  
國子監司業至侍講學士癸丑充河南正考官凡巡幸萬壽諸大典恭進詩賦均蒙嘉  
獎時豫東教匪滋事有條陳鈔法之請不稱旨降鴻臚寺少卿引疾歸優游林泉或參禪  
典課桑麻清貧如故泊如也晚年主鍾山戴山書院門下士極一時之盛其教之也諄諄  
然循循然不沾沾於詞章間惟以正心誠意身體力行之旨門弟子吳中丞榮光壽之  
定文云自請業後服官中外三十餘年不忤於時不失所守皆師教也足以想見其為人  
矣道光三年大荒合郡饑饉相望之定首先捐資為郡人創老益勤有習勞運甓風信佛  
而不佞極信因果曰我非好談此若并此不信人心不可問矣自奉極淡泊而調恤戚族  
及地方義舉慷慨無吝色學問淵博性理之功本於闡濂洛生平無矯激之行無虛假  
之言當時在朝諸老皆推為端人碩士著有八箴草堂格言積穀山房隨筆古今文稿進  
呈詩賦文各種字宗歐王名播海內乾隆嘉慶間推翁覃溪劉石菴  
鐵冶亭蔡之定為四大書家云一吳榮光撰墓誌銘并壽序行述一

### 徐養源

字新田號飴庵天柱子清嘉慶六年副貢幼承家學讀書有識年十三隨父宦京  
經注疏養源任尚書儀禮學於學流派別靡不曉貫儀徵阮元撫浙集羣儒校勘諸  
禮恪守鄭氏至其論明堂失之隘計候道失之遠若斯類比乃參正以他說兼通六書古

音曆算輿地及氏族之學嘗取昔賢實事求是之意而致力於性理於近人爭門戶逐聲  
利之習視之蔑如也母程氏雅善鼓琴養源因是研究音律據左氏管子淮南子蔡邕諸  
說明上古聲自聲律自律本不相準旋宮之法旋聲不旋律徵羽主濁倍聲琴絃次第定  
以一絃為徵又依琴絃辨正管色糾宋人之謬識者韙之親歿後絕意仕進屏居一室時  
讀性理書澄曠絕俗有陶謝之致卒年六十八所著明堂說禘郊辨井田議飲食考古樂  
章考周官五禮表考工雜記尚書考黑水考渤海考及諸經文字異同凡若干卷其餘若  
字說僮籥說文聲類經傳音證律呂臆說琴學原始周髀解九章重差  
補圖朝鮮疆域考氏族譜之類又凡若干卷總數十萬言張履撰行狀  
養源弟養灝字確菴嘉慶六年拔貢朝考一等授七品小京官重修會典歷監察御史疏  
言刑部例案有未符處應改歸劃一以免定擬歧誤得旨施行少與養源友愛講求經學  
見重於時  
一行述一

### 俞樾

字蔭甫德清縣人道光二十四年舉人三十年進士改翰林院庶吉士咸豐二年  
散館授編修五年八月簡放河南學政抵任奏請以鄭公孫僑崇祀文廟聖兄孟  
皮配享崇聖祠並邀俞允七年七月御史曹登庸劾其出題割裂革職歸後僑居江  
蘇蘇州府主講蘇州紫陽上海求志清溪歸安龍湖各書院杭州詁經精舍創於大  
學士阮元專以實學課諸生樾主講三十餘年課士一依元成法士多蔚為通材東南遭  
赭軍之亂典籍蕩然樾總辦浙江書局建議浙揚鄂四局分刻二十四史又於浙局精  
刻子書二十二種海內稱為善本生平專意著述每竟一歲皆有寫定之書刊行於世先  
後著書卷帙繁富而羣經平議諸子平議古書疑義舉例三書尤能確守家法有功經籍  
其治經以高郵王念孫引之父子為宗謂治經之道要在正句讀審字義通古文假借  
三者之中通假借為尤要王氏父子所著經義述聞用漢儒讀謂讀曰之例者居半發明  
故訓是正文字至為精審因著羣經平義以附述聞之後其諸子平議則仿王氏讀半發  
志而作校誤文明古義所得視羣經為多又謂執今人尋行數墨之文法以讀周秦兩漢

之書疑義所以日滋也因取九經諸子舉例八十有八每一條各舉數事以見例使童蒙習知其例有所據依為讀古書之一助槌於諸經皆有纂述而易學為深所著易貫專發明聖人觀象繫辭之義玩易五篇則自出新意不主先儒之說復作良宦易說卦氣直日考邵易補原易窮通變化論周易互體徵八卦方位說散見叢書雜纂中皆足證明一家之學古文不拘宗派喜為詩工篆隸足跡不出江浙聲名滿天下同時如大學士曾國藩李鴻章尚書彭玉麐侍郎徐樹銘等咸傾心納交日本文士有來執業門下者其為中外所重如此先是同治十一年其子紹萊官直隸大名府同知恭遇覃恩加級請二品封典光緒二十八年鄉舉重達浙江巡撫任道鎔援例奏聞奉上諭已革翰林院編修俞樾早入詞林殫心著述教迪後進人望允孚茲屆鄉舉重達洵屬藝林盛事俞樾著加恩開復原官准其重赴塵鳴以惠耆儒三十二年卒年八十六歲三十三年江蘇巡撫陳夔龍陳事實懇恩宣付史館立傳允之樾著有羣經平議三十五卷諸子平議三十五卷第一樓叢書三十卷曲園雜纂五十卷俞樓雜纂五十卷賈萌集五卷補一卷外集四卷春在堂雜文六編三十七卷詩編十九卷詞錄三卷隨筆八卷尺牘六卷右台仙館筆記十六卷茶室香室叢鈔二十三卷續鈔二十五卷三鈔二十九卷四鈔二十九卷目錄各一卷香室經說十六卷其餘雜著各書

### 戴

#### 望

字子高生四歲父歿於京師曾祖年逾八十祖五十餘尚存母及諸母皆寡三世續矣無何曾祖與祖相繼奄忽家貧歲飢無所依賴於是望挾冊悲誦母節衣縮食資望以學時感空無相向啜泣望雖孤貧荏弱而淬厲十數年不懈學凡三變始好為詞章繼讀顏氏元之書則求顏氏學最後至蘇州謁陳奐而請業焉通曉聲音訓詁經師家法復從宋鳳凰授公羊春秋遂挈精覃思專志治經學幾有成庚申之亂奉母避城南東林山久之大困無所得食有至戚官閩中母數命往不獲已辛酉入閩同治初元歸將迎其母聞湖州已陷仰天長號僵臥絕氣復忍死出入徧求母之所在莫行晝伏神咨鬼譏淹

### 德清縣新志

#### 卷八 人物

三

旬滯月迄無所遇三年湖州克復赴湖視祖父墓旋至江甯遇屋火猝發牆圯幸不死曾國藩聞其名憫之始延之校所刻書望因至痛在心未壯而艾顛頓狼狽終不廢學學日益進大江南北耆儒魁碩交相稱許時兵事大定文治聿修自公卿以至將帥咸慕儒術皆將稱道程朱比蹤孔孟而望所講習又與世俗異伏處鬱鬱不易其纂述成戴氏論語注二十卷證文四卷輯顏氏學記十卷管子校正二十四卷又為古文尚書述屬稿未半而病以亟稍間即改所著書復作乃止如是六七年至於不可為以卒年三十有七無子以猶子湘後之一謫磨堂施補華撰墓誌銘

### 名業

### 裴

#### 林

字公美新舊唐書均有傳葬邑之丁山墓後有庵今裴墳文菴

### 沈

#### 既濟

德清人（吳興統記）新唐書有傳子傳師

### 沈

#### 傅師

德清人新舊唐書均有傳

### 沈

#### 畸

續侯志宋史有傳

### 沈

#### 與求

續侯志宋史有傳

### 吳

#### 潛

續侯志字毅夫宋史有傳

### 沈

#### 介

（續侯志）字德和紹興八年進士十二年中博學宏詞科除勅令所刪定官（談志參吳興備志）十五年除秘書省正字以秦熺奏充本所編定書籍官十五

除年校書郎十七年為書勳員外郎進吏部郎中二十六年兼權秘書少監一興館閣錄一請以提舉秘書省印權納禮部並所搜訪書籍並歸本省官史兼權者並罷從之閏十月面對言向者樞臣好惡自己因事變更祖宗法令望詔大臣凡前日便文一切之制勿復施行從之要錄一百七十五卷一十一月御史中丞湯鵬舉劾其欺罔出知興國軍二十七年以朝散郎知台州為政有聲雨暘禱輒應一嘉定赤城志一旋召為秘書少監二十八年充賀金正旦使一繫年要錄一二十九年權吏部侍郎兼權禮部侍郎三十一年除中書舍人論罷蔡京之甥葉林秦檜之黨王珪旋除吏部侍郎一繫年要錄一三十一年正月上封事論備敵之策三十二年以左朝奉大夫知永州一北盟會編參繫年要錄一改知平江十一月除敷文閣直學士四川安撫制置使兼知成都府一姑蘇志一隆興元年奏言調四川征歛之尤甚者詔從之全文廿四一明年金人南牧一談志一起介以顯謨閣直學士知鄂州兼岳鄂江黃軍沿江制置使介以親喪固辭不允一盤州集外制一旋加權兵部尚書兼湖北西制置使一盤州集內制一招致銳士入備禁旅不以一毫擾民奉詔獎諭一汪文定集內制一介簡貴威重裁決無敢輒經外臺者王正功為轉運主管理或未安改之疑介不以為忤更為之延譽一樓玫瑰集王正功墓誌一乾道二年再知平江四年歲饑賑貸有方民得不死是歲六月移潭州去官之日老稚扶携隨行十餘里涕泣不忍舍一西江志一六年乞守本官致仕不允七年轉左中奉大夫一周必大玉堂類稿一生平著述奏議皆未編次一談志一

### 沈復

少尹八年正月除戶部侍郎一咸淳臨安志一一日登對孝宗問版曹財用幾何虧羨幾何復一一奏對訖於所佩夾袋中取出小冊進呈無毫髮差孝宗大喜次日問宰臣曰侍郎有進政府例否梁克家奏云陛下用人何以例為一癸辛雜識一九年正月遂除端明殿學士簽書樞密院事十月進左中大夫政必與復熟議而後行張說在樞筦議多不合及克家去國復亦乞退不允十二月為資政殿大學士知荆南府淳熙二年改四

## 德清縣新志

### 卷八 人物

#### 四

川宣撫使五月召為同知樞密院事旋出知鎮江府一宰輔編年錄參宋史一五年移知福州軍州事充福建安撫使一周公必大王堂類稿內制一以中大夫致仕旋卒十三年賜謚簡肅一編年錄一復以才能結主知分符總鑲盡天下要劇處貳機庭建宣閫俱卓犖有成效其執政也張說以恩倖進同列多媚承之復疑然中立議論不少屈竟力請去位有古大臣之風一真西山四益齋詩序一

### 曾炎

字南仲父協始由南豐家湖州之德清炎舉隆興元年進士授左迪功郎泰州海陵尉循左儒林郎調徽州教授更新學宮課試精審有自旁郡執信席下者奉二親就養與其季燮俱立三樂齋以見志淳熙八年改通直郎知江甯縣一意治民催科無擾暇時採前輩嘉言善行為邑政總類一書遷大理主簿請申飭權酷利害之禁時論題之紹興二年除司丞五年知溫州關良田以瞻養濟院以醫廩廢疾無告者民產子棄而勿乳月以公錢給乳哺者全活甚眾慶元二年秋未穫海溢為災樂清尤甚俱舟筏畚局以濟捍之奏調丁錢數千緡水退修築瑞安石岡及平陽三斗門為東塘以殺其衝人賴其利葛文定公郊鎮越以最列除尚書戶部郎中充金國正旦國信使將行值憲聖慈烈之喪授官燕山凡命宴皆請去樂及罷燕射金悉勉從使還除戶部郎中淮西總領尋除直敷文閣福建轉運副使奏請委部使者以翻訴之多寡當否為縣令殿最詳列賦稅除契券之首以革產去稅存之患二稅不許高價折估獄案以時奏報多見施行又奏倚閣上四州積負鹽本併免州縣所負正稅及虧收錢合十有六萬緡累歲困於郡邑囚繫者呼舞散去而漕計視始至增緡百萬悉付來者以寬氓征嘉泰元年三月詔入奏計因論屬縣培克之弊上嘉納之除樞密院檢討文字歷左右司郎中起居郎權刑部侍郎提舉江州太平興國宮嘉定改元起知婺州寬捕節費政聲徹聞以集英殿修撰移鎮合肥會疾乞免復提舉隆興玉隆萬壽宮年七十一卒贈光祿大夫晚年意象簡默所造益深自號覺翁自少至老好學不倦凡所著作溫潤典雅有覺庵集一攻媿集曾公神道碑一

蔣南金

字汝貴淳熙八年進士嘉定中知容州興學校建

沈當

（續侯志）字退夫舉進士賜同三禮出身釋褐

蔡舜卿

孫凡遇新朝盛事應宜退讓耕讀田間為太平民足矣毋以爵祿為榮也故子孫皆不仕

至元至正中詔曰凡有宋功臣後不仕者身戮家奴舜卿不得已出而應試連擢巍科時  
福建吏治弛廢盜賊乘間起而有司皆以蒙蔽為事廷議以為地屬海疆非精明有才望  
者不足以制之乃除福建觀察使以清慎自矢察廉能汰冗員問民疾苦事有可疑者必  
平反之德政及民不可枚舉故閩人及後猶稱道焉舜卿天資茂敏好學問有勝於  
己者必親就之讀書目數行下手不釋卷雖奇寒酷暑未嘗去目云（參家乘）

張甯

（續侯志）字靖之（舊志作靜之）德清人（案邑

蔡震

志甯由德清遷居海鹽故明史作海鹽人有專傳）

爾趣獄卒拷掠之瑾乃服罪以是知名  
嘉靖中卒贈太保諡康信明史參家乘

周宏

字茂德成化十一年進士授工部主事轉禮

沈義

部郎中宅心端慎陞廣東右參議（王志）

沈清

德清人洪武二十年知確山縣操守廉介崇尚儒修興學勸農愛民如子  
（續侯志）字廉夫號一齋本歸安人其先謫戍撫甯以成籍中成化十四年進

德清縣新志

卷八 人物

賦二十絕俾童穉歌習三年盜息訟簡學校壇壝橋梁道路廢墜無不修舉陞刑部主事  
決獄南畿奉其父歸葬故土且訪求其高祖夢麟花溪集手錄以歸弘治七年以員外郎  
出為江西僉事討平山賊鄧遲八等降詔旌異乞致  
仕聽歸原籍居德清之新市（山東通志參胡志）

蔡玘

字玉卿號夷軒嘉靖元年舉人從湛甘泉學博綜經籍尤邃於程朱選授延平府

足即令行禁止亦何補於治故其政尚慈恕民深德之三年自免歸讀書談道終其身邑  
人謂玘學不為人仕不為己時論以為無忝卒贈兵部侍郎崇祀名宦鄉賢祠（胡志參  
家乘）

沈師賢

（續侯志）字德秀嘉靖八年進士授兵部主事陞員外郎權荊州至署曰吾聞

蠲稅師賢曰毋病商甯病貴勢一無所蠲故商益集而聲大著改工部當大工紛錯諸郎  
多被罪者師賢慎恤國用獨稱職太廟工訖例應得卿寺力請補外得福建副使丁父艱

嵇鏞

川參政未上聞母訃歸哀毀過禮屬續於母之柩側卒祀鄉賢（胡志）

法戍海卒每歲易汛為民患鏞先期為畫界與戍將約毋犯民一日卒殺漁者鏞執之請

戍將戍殺卒以謝歲饑賦多通鏞以羨金代民輸之巡撫檄云臯有羨耶其移治泰興  
學宮鏞以臯學亦圯辭又檄鏞佐餉鏞言臯下邑且民饑欲徙不能應巡撫銜

房寰

之卒以考功法去之日士民遮道如失父母（通州志參如臯縣志）

商號心宇中隆慶二年進士知漳浦縣卓犖有治才常罷權鹽召

號心宇中隆慶二年進士知漳浦縣卓犖有治才常罷權鹽召

許季遠 德清人隆慶間為廣東兵巡道嚴闊大不假刑威而胥吏震服課諸生開迪理要旌烈婦戒媮靡雷民思之（雷州府志）

楊養和 德清人隆慶中為永豐知縣充養純粹廉介自持樂與諸生談藝侍其側者如坐春風中久而忘倦（永豐縣志）

嵇環 德清人由國子學錄陞肇慶府通判時洞狻作亂環單騎往撫復良民因建羅定州復興新縣田萬頃活民千餘事具兩廣志（敖志）

嵇汝沐 字仲新號凝宇鑷子萬歷十三年舉人任建甯推官署浦城縣禁奸慝振頹靡革里甲無名之費決獄多所平反（福建通志）

胡子晉 明嚴正豪猾斂跡日用蔬茹悉出於己（江南通志）

蔡善繼 字伯達號五岳烏程人原籍德清萬曆二十九年進士知莆田縣調香山行取工部主事歷南兵部郎中知泉州府刻蔡忠惠集葺其祠修萬安橋行旅戴德因肖像於忠惠祠中號二蔡祠鄭芝龍父為庫吏芝龍方十歲戲投石子於署誤中善繼額欲笞之見其姿貌秀異釋之晉副使分巡漳南丁艱起補福甯天啓甲子陞參政備兵羅定

遷文廟建石橋門放生池百廢具舉陞湖廣按察使轉右布政分巡襄陽魏璫祠頌滿天下鄭撫梁應澤踵其事襄王倡助次至善繼辭以無資應澤知其清操求文為碑記力拒

之應澤特疏劾其沮格未上而璫敗崇禎改元轉福建左布政時芝龍入海島為劇盜官

兵莫能制始議招撫廷臣以善繼常有恩於芝龍令治漳泉道事芝龍即囚服就撫事定

歸功巡撫三年致仕歸卒贈太僕寺正卿（湖錄參德清蔡氏家譜）

蔡演傳 一續侯志一 謁選後授福建延平府將樂縣知縣有政聲卒於官（見侯志）閩人懷德望像送德清宗祠又在將樂立廟歲時祭焉子奕琛孫啓傳以狀元宰相

顯足以見功德之深故報之於身後乎演傳自幼岐疑父紹宗早世外侮迭至母張為族姪所辱訟之官將赴道審演傳攀輿號泣守道聞而異之遂將族姪褫革而治以法家因

德清縣新志

卷八 人物

訟中落讀書慈相山中布衣蔬食淡如也時廉使張鎮寰見而奇之遂妻以姪女道咸間有見其遺像者今亡矣參蔡氏家譜

馬三才 字思參號松里德清十六都人移居杭縣城外登雲橋父瓏母張生三才云有夢徵一樓水文乘一嘉靖癸卯舉於鄉丁未成進士改翰林院庶吉士己酉授山東

道監察御史庚戌出按山東清理軍政釐剔痼弊軍民德之壬子再按真順等郡縣值歲

大稔請發帑賑濟減糧稅緩征輸改折馬價免新征籽粒漳衛二河決傷民田廬疏請開

濟民以安冀州僧通某叛三才訪獲潛銷巨患時礦徒王五兒等嘯聚流劫亟會撫院撫

勦並行剋期殲滅甲寅督學京畿重經術端文體諸士嚮風有臬司某素干清議因聯姻

嚴分宜莫敢指摘三才廉其狀專疏劾罷分宜賺之一樓水文乘一幾蹈不測一毛雅黃

松里詩序一世廟嘉其績屢賜白金文綺戊午拜太僕寺少卿巡行郡邑興革事宜無不

修舉由太僕歷南京通政而外謫由前疏劾分宜姻戚也一茅坤撰松里馬高士墓表一

庚申丁母憂後不出仕與世不相聞數與山人沈仕奎千戶施經及鄉大夫高光州冕

沈太常淮趙溧陽應元及陳鶴慶攜榼湖山問為社遊分曹賦詩相唱和不以寒暑風雨

間年未五十優遊別業侍其父惟謹丙寅其父沒越十餘年無疾而逝時年六十五著有

自由堂稿玉芝樓集三巡奏議鷓鴣樓雜錄詩紀經史辨疑春遊集秋社稿

徐彥登 字允賢號景雍萬曆己丑進士第四人改翰林院庶吉士出為山東道監察御史增置壁堡蒐簡卒乘報可啁承恩劉東陽反於甯夏挾敵為助當事怵賊欲議撫彥登

不勝憤遺書言逆賊憑一城乘豐妄動所恃敵得利輒去非有縱橫之謀今一狂豎脇

大吏投書悖慢可叛可降權皆在賊諸公宜滅此朝食奚事撫為時賊敵既合彥登慮諸

番或生心騷動百方慰勞之益發牧馬赴大軍為之雄泊賊平敘功及彥登固辭避而

上書請上勤政講學以為外甯當有內憂其臨大事善持論引義慷慨如此且精勤於所

職事無纖巨皆舉其立社學志茶馬創義田皆起墜振廢垂諸經久既報命當按吳中辭

以地逼得廣西將發矣會有以筐篚事劾巡撫四川都御史王繼光者語速彥登遂謝病歸未數月暴疾臥一日卒年四十著大雅堂集行世躋祀鄉賢祠（太史陶望齡撰傳）

### 方從哲

字中涵其先德清人明史有專傳

### 沈戩穀

（續侯志）崇禎壬午陞刑部江西司主事歲餘疾作乞歸甲申春銓司以資深門失守呼天搏膺長慟幾絕抵家掃除一室著書自娛丙戌更名讓自號渚椒子嘗謂生平不媚人不擠人恬澹無競其素性也初父鑑耄年貢於鄉及卒殯於室夜失火戩穀驚起呼弟治穀肩櫬而出火旋息人以爲孝感所致孝廉周文璧計偕入都以療亡戩穀躬親醫殮如喪手足並歸櫬其家及聞蔡忠襄懋德馬又忠世奇殉節之訃爲位三日哭篤于師友宗族之誼卓然可爲程式年六十卒（陳元望廬州行狀參家譜）

### 沈應旦

字方平崇禎十三年進士授南昌縣知縣省會煩劇案牘山積應旦聽斷如神無幾獲譴民感其義爭先輸納適左良玉兵擾地界遣幹役投檄軍門曉以大義良玉歎賞下令歛戩民藉以安卓異陞南京戶科給事中母艱歸父年已耄絕意仕進奉養以終（胡志）

### 蔡奕琛

（續侯志）年十三補弟子員父演傳教以義方終身無聲伎染連捷後授工部文選司員外郎即上破情面戒和同一疏於出缺之先後投供之早遲剔除隱弊羣狙不能上下其手庭無羔雁門無雜寶雖故人薄躡亦擯之陞翰林院提督四夷館太常寺少

## 德清縣新志

### 卷八 人物

卿順天府尹轉大理寺正卿刑部右侍郎丁外艱歸先時東林黨爲僉壬所攻奕琛常與復社相往還忌者更甚魏璫敗後溫體仁罷職薛國觀秉政權門閹宦傾軋賄賂尙有餘烈吳昌時袁愷疏劾國觀納賄狀累及奕琛無據得免宏光元年命以吏部右侍郎兼東閣大學士入閣辦事晉禮部尚書張捷奏復溫體仁文忠諡而奪文震孟諡文肅有旨文震孟免議奕琛所擬也時悍帥擁二萬師圍石頭索餉勢且殆即縋城爲道利害北兵且壓境爾碎城欲何爲即稍稍會大兵集城賴以全甲申四月清豫王屠揚州南都震動馬士英逃五月總督京營戎政忻城伯趙之龍等迎降清加奕琛以太子太保禮部尙書兼文淵閣大學士即僵臥委巷疴不能起上書辭歸掃治數椽度二十一日析其文章事實櫛而比之聊以寄慨也晚年自號即是菴居士甲午冬病卒祀鄉賢祠著有司銓疏草四卷京兆疏草一卷德清均田折田二議（沈應旦撰墓誌銘參荆駝逸史及湖錄）

### 金漸皋

字夢蜚號怡安大麻村人寄籍仁和縣清順治十四年令漢陽性仁慈不輕用竣刻而遽乞骸骨有古人勇退之風旅歿蘭溪其論詩謂泥古則拘趨今則襲故所作務期抒寫胸襟自留面目有怡安堂集漸皋嘗歷任劇邑治邢台則立生祠漢陽則祀名宦亦可徵政績之善曾祖聲贈御史祖陞由舉人

### 沈蘭

順治中官香山知縣值兵荒後貧富交困蘭加意撫循嚴汰供應差費禁戢悍兵三年頌聲日起以強項去職

### 孫在豐

（續周志）敏瞻多藝能每應制賦詩援毫立成扈游南苑翼圍之內有麇鉉走扈從筆記東巡日記下河集思錄尊道堂詩文各若干卷藏於家

卒年四十有六賜祭葬如例（徐乾學澹園集孫公神道碑）

蔡升元

（續周志）字方麓一字徵元三歲能調四聲百不爽一性喜讀書一目十行過

歲御試翰詹諸臣於保和殿時日已晡操筆立就上覽其詩文稱善充日講起居注已陞右春坊庚午春轉左春坊督學江南辛未二月陳情歸省己卯聖祖閱視河工升元隨父後迎道左諄諄垂問特賜清華二大字癸未春迎駕於大馬路召入御舟問旋後何故不速來京答以三代未葬特命侍衛海青傳諭蔡升元學問很好家計很窮賜給葬費銀六百兩又詣杭州行在恭進迎鸞詩及萬年頌十章御閱再四不忍釋諄諄論回家早完爾祖葬事速進京供職十二月十八日抵涿州路逢聖祖西巡同鑾迎道左垂問殷殷至二

德清縣新志

卷八 人物

沈慶曾

字振始號怡庭愷曾弟康熙三十九年進士授山東商河知縣擢四川會理州知州潔己愛民治獄多平反鄰境疑難大案院司輒以委之旋告終養歸商河祀名宦弟寅曾字恭士以歲貢司訓上虞修文廟備樂器課諸生

沈世杓

字集懷慶曾子康熙五十二年順天副貢任湖口崇義知縣以廉能稱南康有林岷山等三案幾成冤獄奉檄覆讞多平反活無辜（李志）

胡開京

字遵王會恩子以隨征議敘授池州府通判署宿松縣知縣革漕弊抑豪強有民被殺而不得主名往驗察其妻與旁觀一人狀異得殺情置之法調蕪湖值水災請賑活人無算改建德署府事代償前任兵餉却屬邑餽丁艱服闋補順德府通判職司捕盜以盜源在窩線必嚴保甲而後根株可拔為策八條上之通行畿輔著為令擢永平知府卒於官

徐以震

字省若號南墅志巖子乾隆十二年順天舉人以保舉國子監等官應補廣業堂學錄遵例赴部選授刑部山東司郎中刑名重案以山東司為最繁以震精心勘

許兆奎

字西亭道光辛巳舉人性寬厚篤於內行嘗官紹興府學訓導值院試見諸校官邊幅入仕後始終如一卒於官著有南墅小稟（梁同書頻羅庵集徐南墅傳）

徐振甲

字解時號東麓頗有吏幹嘗署句容縣事辦理漕務嚴戒吏胥故奸猾不得逞後午河水漫溢又壽張逆匪滋事兵荒相接振中多集小船載乾餵先救本境次鄰縣存活無算論居奇過糴之家得平市匪徒乘機搶奪懲其首以警眾一邑安堵未幾山陽有劫

（浙江通志）

轉助教表率士林人咸重之（許德裕消寒錄）

掠之事民始知其禁暴於未然所保全者多矣告病去再選

### 徐元正

字子貞號靜園（續周志）倬子一指多一節敏悟過人內承庭訓刻苦嚮學從

河南通縣知縣請除獵戶民便之年七十五卒府志參家傳

父執沈儒一受易義年十四補弟子員父執多博雅散館授編修辛未會試充同

考嗣於戊午應順天講起居注官每當侍值必澡雪精神備極誠敬記注檔案詳審再三歲

終繕錄稿本所登上諭多至數百伴善於體會辭旨清文漢字一一符合不支不漏上益

器之甲戌父南歸獨在史局修一統志三朝國史政治典訓方略明史辰入酉出歲以為

常歷陞左右贊善諭德庶子先後垂二十年凡應制撰擬無不稱旨壬午擢侍講學士是

年十月為父母八十齊眉辰適上詔於來春巡視南河元正請慮從先因捧上賜御

書高松賦一軸為雙親壽癸未春上自杭至蘇倬屢蒙恩賚元正亦邀綾幅匾額之賜自

此眷顧日隆扈蹕還轉侍讀學士九月為武會試總裁官十月丁母艱歸恐父老年傷感

篤侍庭闈年及古稀依然孺慕客贈詩有七十嬰兒九十翁之句蓋紀實也丁亥服闋決

計終養適全唐詩錄刻竣赴闕呈繳奉旨仍補原官戊子擢內閣學士兼禮部侍郎主山

東鄉試士無不頌公明己丑充殿試讀卷官及佩文韻府總裁官尋擢吏部右侍郎經筵

講官未滿歲遷都察院左都御史掌院事八月擢工部尚書他兼官如故辛卯四月特

疏懇辭得旨同籍侍養明年父卒癸巳祝萬壽入都禮成陞辭南還復宣諭留以父未葬

涕泣懇辭始邀俞允得以終制經營窳積勞成疴以前旨敦迫力疾赴闕未補官而眩

暈疾作固請還里丙申九月熱河回鑾於道中親見病狀允之越四年卒

卒遺疏上聞諭祭葬乾隆元年晉贈光祿著有清嘯樓草鸞坡存草

### 徐以升

字階五號恕齋（續周志）志莘長子生而穎發曾祖方虎任宗伯最鍾愛之每

流踵至以升追隨既久咸得親炙十五補弟子員康熙甲午領鄉薦公車至都名公鉅宿

見者倒屣修撰徐亮直汪度臨尤相引重雍正癸卯成進士改庶吉士散館授編修奉命

## 德清縣新志

### 卷八 人物

### 九

隨怡賢親王協辦水利營田事務成暑中徒步奔走悉心籌畫詞館前輩陳對初為安溪

先生高弟以升於安溪之學從陳私淑而有淵源壬子提督廣西學政刊粵西試牘一時

奉為楷模學租千餘金悉令貯庫任滿回京充三禮纂修官凡禮疏之精蘊及漢唐宋諸

儒所紛紛聚訟者薈萃融洽斷以己意與徐壇長惠紅豆吳東壁同事交相引重丁巳補

湖廣道監察御史己未調貴州道監察御史嘗以水利之關於農事者最大勸懲宜力考

課宜嚴立約束以杜紛爭清佔田以防壅塞開井以濟水源之窮開溝以廣流泉之用屯

田為備邊之善策捕蝗亦救荒之務要疏進勅下遵行他如請零祭一疏援引經史詳考

制度經部議依行著為定例又請以近思錄一書重刊頒行亦經軍機大臣酌議准行癸

亥淮楊被水上軫念災黎命充下江徐淮揚海等處宣諭化導使盛暑之中登臺宣講聽

者遮道甲子冬授山西翼甯道兼管鹽驛事務清操自矢杜絕苞苴丙寅擢直隸按察使

未到任調粵東旋丁外艱服闋補貴州按察使到任奏謝恩摺硃批以汝之才但能諸事

認真不患不勝任也溫綸嘉勉益感躬親案牘不假手幕友調任江西力矯械鬥之弊

辛未秋復調粵東途次奉諭解組歸以升儀觀敦篤舉止安詳出語宏亮雖隔重屋聽者

琅琅接人和藹可親如坐春風中而胸次自有涇渭服官三十年無一降罰處分家無長

物散衣蔬食無異諸生日坐一小樓中焚香却掃手

不釋卷詩宗老杜字法平原有集二十四卷藏於家

州山右士俗凡男女納采有夭殤者行冥配禮邑有巨紳因爭冥配夔喻以理義兩造

感泣如虞芮焉及解組於舍亭山麓構宅築亭曰髻園優游著述晚年掌教紹郡三山書

院及門多俊彥著有

若父詩鈔說史詩鈔

### 沈志榮

（續周志）號葆田弱冠通經史旁及百家家貧舌耕課徒博珍羞以娛親已則

長年藜藿怡然自得母患目疾晝夜舌舐竟復明甲午鄉試擢高魁捷音至轉痛

弗及見父悲不自勝壬寅捷南宮授羅城知縣陞見時以儉以養廉勤以補拙對羅邑舊例民於迎春日進席費百金以獻志榮謂陋規累民免之又捐俸設義學延師訓士旋署馬平縣融縣出糶倉穀詳請減價民賴以生又任柳城迎春費較羅城而加悉免之兩邑歌感勒諸石後調荔波故多盜前令畏蒞厥魁梁穗剛率土匪掠婦女劫財帛志榮請兵勦捕躬破險壘民獲甯處古州苗民叛貴撫移會廣西協勦大吏委司糧運半載無匱乏會廣西捐免錢糧各員養廉出耗羨志榮請免耗羨以蘇民困大吏特疏邀准陞東蘭州知州檄屬縣設立義學廣興文教東蘭屆邊荒無文廟志榮力任創建歷署河池州兼署任服遂初焉絕無愠色瀕行士民泣送百里外抵里後力葬先塋年六十四卒

### 許祖京

（續周志）乾隆四十二年擢雲南驛鹽道親巡諸井絕私販收餘鹽補緝額諸多褻職得罪獨祖京坦然無染明年夏攝臬篆又明年就擢按察使雲南多頂兇案有蔣某爭博殺人賄小黑三承其事至司訊狀竟叩首請曰囚有母在同邑蔣某負錢若干緡願及囚生責其償死不恨祖京詰曰負幾年矣曰今年曰然則殺國最四十九年入覲數召見頻邀恩賜擢廣東布政使總督富勒渾得罪祖京以審問漏泄供詞部議降三級恩旨從寬留任令安心供職次年臺灣林爽文反與總督孫文靖意左欲劾之會爽文獲上止（見周志）安南國王黎維祺為阮氏所逐敏關求救總督欲援之復其國顧未遽上聞就祖京先借庫金十萬為餉祖京曰欲進兵當以檄徵餉庫非某私若借不取聞命五限數務張國體惟他省則侈甚刊單傳布達行在郡邑欲侈其事祖京不許供張飲饌定有所定數僕意以為晉今乃知其得當是年春入覲中道得廷寄命於八月酌帶道府祝釐君五十七年總督富察以大將軍征廓爾喀巡撫郭世勳兼總督事無鉅細必咨租京推誠

### 德清縣新志

### 卷八 人物

十

相得數年濱海無纖毫警五十九年以母老乞養歸里嘉慶元年丁內艱十年二月卒於杭廬當在藩司任時巡撫圖某猝病總督檄祖京攝事既奏聞高廟以祖京不早自奏接撫印為不曉事降旨申飭其後郭復猝病羣僚謂宜亟取撫篆且奏狀不者再受譴矣祖京不可曰巡撫病僕自可以藩司印代行督撫事若遂取印病愈不得引退是為僕逐之也甯受譴不為言學宗程朱治經貴通大義於四子文用功尤深（陔華堂家譜宗彥撰行狀）

### 徐秉敬

字用直號寅哉年三十領乾隆戊子鄉薦由內閣中書充四庫全書分校文淵閣檢閱恪恭將事洊升刑部山東司郎中刑名重案山東司最繁以父嘗膺是任一秉遺訓精心比勘在秋曹十餘載其詳慎始終始如之迨部銓柳州理之裕如攝平樂府獲巨盜懲之以法風為之斂三權道篆一為內監試實心實政所至皆然年六十九卒於官著有約耕草堂詩存五卷已梓行

### 徐以豐

（續周志）係抑齋長子抑齋久任河員以豐自幼耳濡目染洞悉機宜年十九此遷雲南宣威州知州城外苗獠村寨夷情獷悍睡毗之恨拔刀相向及蒞任知畏威懷德以故訟事恆稀擢知湖南寶慶府條陳苗疆要務十三件俱蒙制撫准行郡有濂溪書院旬月會課捐給膏火矢公慎學使葉花南宮贊歎服尋調武昌郡署左右悉訟棍所居下車即訪擊懲治不一月訟詞減半楚北襟江帶湖素稱澤國自嘉魚馬鞍山而下會城金沙洲而上江堤綿亘近三百里夏秋泛濫易傾圮每歲派員分段承修而所辦蕎麥灣第一段之石壩迄五十年尚鞏固焉優游林下二十年乙未二月卒年六十一以豐性樂易無疾言愠色生平不名一錢而好施不倦歲乙亥浙大饑自楚中奉撥府倉米運浙復捐羅數百石附賈人歸以惠桑梓及罷官以邑城遇水多溺濟行舟輒置篋董數十丈僱夫役牽挽賴以保全者不少地方有關利病者必力白當事行之至今鄉里猶頌其德云葬埭溪之嚮水塢

徐端

器之時端候選通判遂奏留東河補用乾隆四十九年補蘭儀同知調署睢甯又調下南  
河六十年署開歸道事值河北邪教為亂以防堵功賜花翎旋署兗沂曹濟道其年睢州  
河決曹州河涸端豫築河北兩隄以待水至及睢州決口合河至曹漲甚賴壩以安嘉慶  
四年授饒州府知府七年擢徐州道明年丁父憂時河南衡工河決上憂之命治喪百日  
仍之任遂起復十一年設江南正副總河端任正者一副者再加太子少保十五年裁副  
總河復為江南河督其冬以三壩漫水革職次年命以通判挑李家樓引河積勞病歿端  
仕官未嘗一日去河於挑濬廂攬機要鍼縷穿貫葦柳四積堤上端一過測其多少莫能  
欺在工不避風雨寒暑與夫役同勞苦數十年間凡遇大工必倚端以辦上流既塞入海  
未暢有議改海口者端堅持挑倪家灘修治故道大河入海甚暢頻年無事端之功也久  
於河防習知其弊嘗浩歎國家有用貲財濫為銷費每欲見上瀝陳恐積弊揭株連者衆  
故尼其行降職後賞志死貧無以殮而所積賠項至十餘萬妻子幾  
難存活識者悲之（嘯亭雜錄）著有安瀾紀要迴瀾紀要二書

袁槐

字斗槐號魁木年十八入邑庠乾隆己酉領鄉薦嘉慶丙辰會試第一授刑部主  
事復為提牢廳治官書至宵分不倦京師大水灌入牢戶時適值宿以兩木支一  
扉危坐達旦者累日并飭吏卒徹夜巡警疫作廣施藥餌潔其飲食居處獄圖皆獲就痊  
丁母艱遂不復仕自撰楹聯云無才但能閉戶有本且學治家平生節儉自持未嘗為口  
腹殺牲衣服不尚華麗年七十卒臨歿撰句云一日尚為人務須為所當  
為豈敢言老百年有盡境順受盡而竟盡何必求仙其出處勤敏如此  
沈孟堅 字賦亭號研圃嘉慶己酉捷秋試復捷南宮時方興保舉或謀謁津要列薦剡孟  
文武試同考官癸丑署蕪州時峻拒千金之賄任棗陽丈量缺額得隱地二湖通志壬子充  
去荒存熟以二十萬畝報覆核得實調漢陽禁奢靡去苛擾治黃陂策馬出城闡課耕織

德清縣新志

卷八 人物

以卓異引見賜蟒服先是城南溪山水暴漲田遭水患乃捐俸數百金為民創築堤捍禦  
建開瀦洩田因有獲民建生祠肖像名其堤曰沈公堤丙寅陞黔甯州牧鎮甯甯額徵  
米數千石舊例赴長塞納千餘石供兵米又赴府倉納千餘石備平糶胥吏故意不收遲  
來春為利藪請大憲咨部改革之兵民稱便後調豫署杞縣進開河策於胡巡撫得旨允  
行時杞方饑工賑並舉民賴以生辛巳引見圓明園四月命守松江誅創棺盜禁厚殮  
水有尤陳盛三姓以充運丁事自前明節次呈控歷久不決孟堅竟予湔洗結二百年之  
塵案復署江安十府督糧道事纂修南巡盛  
典未幾以公累罷歸卒（參沈氏家譜）

許善長

字伯與一字沐生道光己酉以優貢試鄉闈不售由訓導改官內閣中書派充實  
用並加道銜同治八年籤發江西辦理河口釐局時值周敞之餘剔弊釐奸三載有奇收  
斂稱旺光緒乙亥恩科充文闈內簾監試次年二月署建昌府事蒞任後適水發毀城郭  
斃人民乃設法賑濟添設渡船散給糧糗全活綦衆六年署廣信府添信江雙桂靈山三  
書院膏火進其秀者督教之十年六月復事廣信凡有益於民生學校者靡不極意講求  
是年春雨決旬溪漲上繞鉛山兩邑通衢冲塌至百餘里集鄉人之好義者謀修治計捐  
廉創募至五千餘金不數月而周道坦坦行者稱許公路乙酉科充武闈監試旋辦湖口  
釐務復充己酉恩科內簾監試十六年春任吉安釐局破除情面搜剔積弊報解獨盈上  
官以其謹廉留辦半載三攝府篆矜惜民命稍有纖毫出入必折之於中而後已故每去  
任民多依戀若失慈母學問以繼述為心專意經術於辭章傳句之學恆泛泛焉  
善於倚聲之作著有碧聲吟館各集及詩餘談塵等書（陔華堂許德滋撰狀）

傅羹梅

初名士偉字商巖尚博村人幼就塾授羣經能背諷旁及醫書宅經弱冠補弟子  
豫工例入粟有聲巖序鄉試屢躋囊筆游蜀人聞其名延入幕先佐州縣治者十年援  
藩襲職與頭目李開元有隙李之子平安煽之使搆闕知縣某袒平安衆洵洵變叵測羹

梅以轉餉至廉得其情單騎曉諭而解又署昭通經歷剔銅弊置字庫白骨塔義塚地一雲南通志一過恩安縣境見山麓豎大木其下焦骨纍纍有數十人擁一乳臭兒至問故土人曰吾鄉惡盜獲則驅至此焚之是兒盜田黍宜焚羹梅惻然予之錢償所失黍縱兒去力言於官是宜禁勿聽明年羹梅署恩安縣事立革此俗一雲南通志參俞樾撰傳一禁粟改雜糧勘驗以食米鹽菜自給一年譜一聞盜即會營飛騎瞬息數十里總兵愕然曰不圖於南人文官見之會縣試手定甲乙學使無以易縣有石龍壩河激石倒流值夏霖暴至河淤尤甚兩岸沃壤皆無收督役疏濬之石堅滑不受鑿爰編麻蟠石沃以油燭之功乃成秋大稔民爲之謠曰我食我衣傅公富我婦我子傅公父我一雲南通志一去任日士民乞留不得繪甘棠圖紀以詩一俞樾撰傳一居日每俸銀積三百輒作一利民事坐是無歸資廩四川之宜實後四年竟卒於蜀又二十餘年始歸葬德清既歿之三十六年即光緒十八年廣東高廉道陸心源徵事實與廣西學政周學濬公舉入祀鄉賢祠由巡撫崧駿會總督卞寶第學政陳彝疏題奉旨依議性孝友幼時事父母定省若成人昆弟有弗洽事痛自刻責式好如初嘗仿范文正公義田意捐置田畝親族無力婚葬者飲助之又設義學以惠孤貧生平崇實踐尚儒行凡有關世道人心之作必手錄之日濟世雜鈔曰佐治錄並著

### 徐本華

宇桐邨晚號尺髯納粟爲府經歷指分河南時捻匪縱橫派充前敵草料廠委員先行者已遇害檄勿再往本華請往收遺屍撫帥壯之後充精臺管庫員同治九年辦濟源縣荒賑恪盡心力歷保直隸州至知府賞戴花翎軍務肅清補榮陽縣知縣時光緒二年也值大荒赤地千里質箱篋爲急賑勸募分設粥廠與饑民同食得免流亡逾年調署祥符老弱婦孺牽衣而泣抵任之秋值黑壩口出險稽料未登工員束手上台急檄各縣集糶料多難應命本華力勸紳民砍青予值而官料得以日夜繼進堵築告成保以道員用加卓異調補河內鄰邑濟源有五龍洞爲沁水發源地前有廣濟等渠所以殺水勢而灌溉孟溫河之田也舊章凡用渠水者每畝繳錢五百文至是淤墊乃費萬緡而

## 德清縣新志

### 卷八 人物

### 十一

挑挖之將舊章豁免民製衣傘匾額以謝却之會有富紳欺貧民訴不直賄朝貴以大計罷之值萬壽開復不願仕宦卒年八十有二一采哀啓一

### 蔡佑年

字崧甫同治丁卯補行甲子科舉人有書名任國子監學正學錄士皆矜式光緒癸卯補四川城口廳通判勤政愛民時土匪擾川北勢猖獗佑年會鄰近州縣畫夜督戰匪首就擒脅從遣散叙功以直隸州知州用積勞卒於任遺書數十卷

### 傅范初

字公羽號曲谿世居尚博村授經過目不忘九歲能文年十三入國學試輒高等覽嗣畢業於同文館著有算學進階算學源流考電化理解地理雜志等書洎光緒丙戌子兩應順天鄉試薦而未售學益勤己丑父雲龍奉使著進呈游歷書任校讎閱年考取會典館繪圖處臚錄著有會典圖說壬辰隨辦天津海運著有海運利弊考乙未充頤和園電燈委員兼庫官事並理北洋機器局丁酉孝欽太后萬壽賜壽字江網珍食旋保知府戊戌政府變法圖治詔士民上書言事遂上治國利弊疏語多中肯惜未采行旋二卷庚子義和團亂作京津道阻時父在津差次患病初請假於槍林雨彈中趨侍至滬以旋里並修墓建祠縣署胥吏以完糧抑勒洋價事激民乃連名稟懇得照市次年父卒哀毀骨立見者驚訝滬上素多游民乃初製皂廠招貧民工作免凍餒浙撫聶緝渠聞其名聘辦工藝傳習所遇諸生如子弟來學者四百餘人精製罐頭食品著成效有工藝化學各文散見於工藝雜誌實學見於實用識與不識交重之學部飭各縣設立教育會清邑首奉行乃舉爲正會長副以程森並助百金資開辦又在省發起用電提取礦質組公司亦著效丙午北行生徒不忍捨有淚下者至京以憲政編查館奏設政治官報局主辦者器重范初奏派爲印刷科長時京師大疫以無善治法爲憂乃著白喉證等方印刷分布輒效蓋范初素精醫理而不敢以醫名者又初傅良治法等小學造就甚衆又發明無線電報連綴附電式製電機實地試演正稟請試辦值辛亥革命而寢壬子南下至無

錫邁時疫卒  
年四十有六

### 徐本璿

字仙霞喜為詩九試北闈屢薦不售入貲為候選通判咸豐五年隨參贊大臣科爾沁親王僧格林沁勦賊於馮官屯論功擢同知明年選授安徽太平同知抵任值稔匪竄擾嚴兵申備城賴以全督部曾文正賢之檄權池州府事池州府城久陷移治石埭縣大水為災請於大府發帑振恤全活甚眾革弁某通賊將導之擾江右廉得其情密擒之檻車傳送大府治所置之法餘黨懾氣東邑袁氏與望江倪氏爭江中洲前官數庇袁訟連年不決本璿謂江心沙渚無常不應為兩姓有宜歸公歲收其入以為文廟修葺之需議上督部是之旋擢知府晉道員光緒十一年乞病歸越二年卒於家本璿服官四十年屢典大郡值四郊多壘之秋馳驅鞅掌口不言勞居平無疾言遽色而人不敢干以私居官無絲粟妄入而惠養士民振貸戚黨無所恡自待刻苦詩學元白雖戎馬控惚手不釋卷著有安雅堂集行世一參陸心源撰狀一

### 徐本麟

字衡衫精醫理以知縣分湖南庚子之役聯軍入北京清室幸西安西太后不豫耳無他慮榮祿以手加額曰若言信吾清之福也已而又診德宗次第報大安賜帑銀珍物以知府用旋扈蹕回京奉命篆常甯興利去弊廣立學校蒞任芷江榆樹灣巡檢上變告離州城八十里有眾數千人嘯聚為亂郡守王瀛夜半親臨問策本麟計遣數人偽與賊暱潛發輕兵捕斬其魁事即定大府嘉其能遷長沙循聲益著補道州未幾授澧州州素多盜前牧懈於逮捕案常一月數十出本麟嘆曰張湯趙廣漢吾甘尸惡名矣乃嚴治之鞠殺數十人又創練鄉警專司偵緝其經費仿日本地方自治制而籌措之期歲盜戢年七十有三卒一參吳慶坻瞿鴻機壽序一

### 徐本衡

字延齡號季賢釋堂次子少時隨父宦天津好讀書通經史善作文名宿稱道之應北闈屢薦不售遂援例報捐縣丞分發北河補用身入仕途手不釋卷檢兵略

## 德清縣新志

### 卷八 人物

河渠諸書悉心討究咸豐戊午調赴天津辦理海防保升知縣權知平山博野等縣同治甲子調補天津丁卯捻匪竄入騷擾省城幾危奉大吏檄募民兵矢力防堵匪不敢越雷池一步得以保全事定保知府加鹽運使銜旋丁父憂服闋合肥李文忠稔其熟諳河務歷派永定河潮白河暨東黃河隄工保道員加布政同銜光緒丁丑奉天馬賊猖獗將軍崇公以本衡才奏調奉天幫辦撫兼施馬賊懾服賞戴花翎辛巳歲署錦州府知府旋補昌圖調署東邊兵備道乙酉冬因目疾致仕歸生平以縣倅起家洵升監同儉約如寒素服官視國事如家事歸田後以所積廉俸經營商業大有生色仙霞其胞兄也吉甫其從祖兄也因貧以鶴俸分潤有差歲己丑邑遭大水捐錢五百千緡以賑貧戶親族中之貧乏者亦以錢米周之邑有留嬰堂經費支絀助錢一千千貫以活嬰孩樂善好施有足尚者徐氏族大支繁境遇艱窘者亦不少設立義莊以贍之又以宗譜久未修輯決意重修未成而膺疾易篲之日猶召其子思敬諄諄以修譜立義莊囑之卒年七十葬本邑韶村一采家乘一

### 徐承福

字荔卿號礪青德清附貢由知府陞補道員充奉天安東交涉局總辦復權山海關監督篆務任交涉局時東邊道沈鳳慶兼督辦適中日合辦採木公司以中日理事額未定借沈與日抗爭志不稍屈卒增中國理事若干人遇事剛敢自任有政聲性孝友好施與而不苟取善文墨兼長吟詠民國元年浙江都督朱辟為秘書長以年老辭嘯傲湖山以疾卒於滬著有歸省齋吟稿二卷未梓一徐益壽撰狀一

### 徐承祿

字蒲卿號步青事嗣母夙以孝聞敬兄彌篤無論公私瑣屑必商告善吟詠能文聯名上控訴冤省憲檄承祿往查廉得其情與新泰令趙係讀書安分之士不直令之所為聲巡撫李公暨層憲極重之檄攝東平州東阿肥城新泰平陰各州縣印務矢勤矢慎聽斷明決至宣統己酉冬檄署金鄉縣知縣適值水災親赴省以請賑濟躬自察勘散給

全活無算（後歷辦平陰歷城齊河東平等處賑務親歷鄉村與今一轍）時初行新政  
首先辦學堂勸子弟肄業並捐廉以獎優異及瓜代離任士民不忍其去為製德政匾牌  
送之辛亥夏調署昌邑地處偏遠民氣固蔽仍力勸士庶紳商子弟咸入學讀書捐廉獎  
優如金鄉不半年有成效無何得怔忡症假歸調養去縣之日紳民立去思碑於東郭以  
誌感歸里後三年以疾卒著有娛蘭僊館詩鈔生花館詞各一卷已付梓其他應世文稿散佚無專集（徐益壽述）

### 文苑

#### 沈顏

字可鑄傅師孫（傅師德清人見傳）天復初進士為校書郎屬亂離奔湖南辟  
巡官嗣吳國建為巡官禮儀使兵部郎中知制誥翰林學士顏少有詞藻琴瑟皆  
臻妙場中語曰下水船言為文敏速無不載也性閒淡不樂世利嘗疾文章浮靡  
傲古著書百篇取元次山聲叟之說附已志而名書曰聲書（郡齋讀書志）

#### 沈該

字守約建昌侯約之世孫父時升登進士贈禮部尚書兄調登進士明州長史守  
淮泗曾遣使請和守約上疏論之召為禮部侍郎出知潼州召還除參知政事明年奏減  
吳興丁賦歲輸五分之四鄉人德之守約邃於易撰小傳六卷其說以左氏變卦為大嘗  
進之高宗降詔褒美有文集五十卷律詩五十首雜著一百篇（采家譜）

#### 蔡汝柎

（續侯志）字子木號白石兒時隨父南京聽祭酒湛若水講學輒有解悟嘉靖  
十一年進士授行人從王慎中唐順之及叔嗣輩學為詩尋進刑部員外郎徙南  
京刑部善皇甫淳兄弟尚書顧璘引為忘年友廷議改歸德州為府擢汝柎知府事以母  
憂歸聚諸生石鼓書院與說經治民有惠政既去士民祠祀之歷官江西左右布政使擢  
右副都御史巡撫河南召為兵部右侍郎從諸大僚祝釐西宮世宗望其貌寢改南京工  
部右侍郎未幾卒汝柎始好為詩有重名中年好經學及官江西與鄒守益羅洪先游學

### 德清縣新志

#### 卷八 人物

十四

益進然詩由此不工云（明史文苑附高叔嗣傳）

#### 胡友信

（續侯志）字成之隆慶二年進士授順德知縣歲賦率奸胥攬輸稍以所入陷  
長吏謂之月錢友信與民約歲為三限多寡皆自輸不取贏閭里無妄費而公賦  
以充海寇竊發官軍往討民間騷部內烏洲大洲賊所巢穴諸惡少為賊耳目友信悉  
勾得之捕誅其魁餘黨解散鄉立四應社一鄉有警三鄉援之不援者罪同賊賊不敢發  
歲大凶民饑死無敢為惡者初友信慮民輕法泣以嚴後令行禁止更為寬大或旬日不  
答一人其治縣如家弊修墮學校城池成為更新督課邑子弟教化興起卒於官士民  
立祠奉祀友信博通經史學有根柢明代舉子業最擅名者前則王唐順之後則震川思泉  
友信別號（明史文苑附歸有光傳）

#### 虞周

州府教授標古貌以徵德勤品叙以宏教慎取受以著廉故待士而士孚應頌之  
不哀（采家譜）

#### 虞時雨

字一水號松濤由歲貢任金壇縣訓導淳安縣教諭陞嘉興府教授轉淮府長史  
天啓四年纂修德清縣志崇禎十五年卒居官風規端肅後進視為儀範（采家譜）

#### 蔡川

號一癡係成化時人有文行  
賜冠帶耆壽九十七歲而終

#### 蔡懋榮

字子華好學能文崇禎己卯鄉飲冠帶  
字蘭雪凱次孫幼穎悟四歲時讀詩至小戎三章父訢令默誦鼎即能書諸儿  
上字畫無差人咸以大器目之成化間舉神童後授大理寺少卿（均家譜）

#### 蔡鼎

虞時望 字爾瞻號春涵萬曆十九年中式書經第二卷舉人治書經著名一采家乘一

章美瑾 字公美嘉禎孫天啓七年舉人一去禮部見時事日非不復計偕以文章氣節相引重名著復社一復社姓氏錄參家傳一

沈述裘 高枝南都建高枝為大司寇以書招之不得已而往見時事日非即歸及高枝殉難置祠祀之清初徵書屢至堅臥不出城外慈相寺最幽勝時攜杖獨往婆娑於月泉古檜之下卒年九十有八一胡志一

唐達 一續侯志一字灝儒號永言崇禎十七年貢生研精理學及星曆音律家數諸書人皆效之晚年隱於醫注素問所著詩文近百餘卷臨沒著鯤鵬上下解越三日卒學者私謚淵靜先生一沈戩穀仙潭後志一

胡藻 瑄仲子字裳文號春江前鎮志題咏甚多有大曆之風著有西林漫錄

邱璿 號冰崖寶貢未仕而卒著有冰崖詩稿王顯為序

沈汝梁 字子隆號西巖世居縣城父鳳陽館新市家焉與弟汝霖皆授徒文名藉甚時里中多出其門者

劉泗 字汝濱號慕間宋文節公十一世孫以好義聞改建覺海寺後人祀之於庶著孝義錄垂訓其後病不得禱喪不得用浮屠法孫崇文號振宇庠生少孤恪守祖訓兄弟同爨或業儒或從賈治內治外皆綜其成篤愛孤姪

沈汝鑑 在明雖遊學四方恆視如嬰兒督帥又甚嚴卒成令器

沈陶 字退奮初名覺先諸生督子中階魁禮經閉門吟誦不輟終其身有蟲呼夢餘吟語存哀念珠諸集

胡道傳 一續侯志一芸次子字幼學號懷川甘貧嗜學老而不倦著有長春閒錄一以上仙潭續誌一

胡熙 字貴和號介石平居愿貌寡言遇人不問少長貴賤卑躬悅色尤長文學人稱長者專意教子遣仲子瑄遊邑庠卒有成立瑄登進士為名吏時已下世一弘治初年子瑄任山東濟南府一一新市鎮志一

德清縣新志 卷八 人物 十五

陳和 字尙節號陶莊為人涉獵多記尤勤紀錄善作詩與人真率有言論不典或行事戾違面折不少貸教子靈有成宏治末靈任刑科給事中多直聲和優游林野正德乙亥以疾卒所著有陶

蔡紹元 字鼎垣賦性耿介學識兼優長兄紹文登嘉靖壬子鄉榜仲兄紹宗三舉副車紹文早逝父永祥愛子情深傷悼無已紹元曲慰曰丙子科必置鹿鳴一席以展父懷迨丙子果驗後矢志上進讀書課子不預外事家計蕭然親知勸登仕籍以資格有限不屑小就時少司馬汝楠無孫議立嗣桃以紹元可託大事私議以其次子瞻二為繼密請之以為非分所宜固辭視數十萬之富殆如草芥

沈應昇 字以時號南征好博覽書籍聞人有藏書目中所未睹者即百里外不憚尋覓必得之後已而采信闕疑考覈尤詳確晚年沈司空泰垣聘為館客實心質行一郡士夫咸欽仰之不幸早歿實志未酬耳一采家譜

卓爾康 一續侯志一號農山甲申之難鬱抑床席不踰年而卒年七十有五爾康孤峙介特以世道為己任與胡允嘉同學好古師事孚遠而友高攀龍萬歷間河決山東

卓爾康 林考古今詩文選沈南征詩稿沈南征制菘一采家譜

爾康年甫二十與允嘉同下第居南京遣老僕裹糧視高家堰口諸生皆目笑之舟行南  
北迂道沿訪問黃淮河分合情勢作河渠議七篇旁及禮樂財賦漕運錢法官制六典  
會要各有成書尤詳於武備比官大同哈卜之議起爾康謂象升曰邊吏不知不計莫若  
宣諭西哈保全殘卜存中國大體象升以為然下邊吏施行晚歲論兵專為東事錢虞山  
常云去病以文士喜論兵述戰守勝負之要似尹師魯遇事發憤是非非無所忌諱似  
石守道尤善接少年寒峻鉅公要人片言不合終身不相往來其學以經術為本晚得交  
於錢牧齋愍六經之學後儒不達旨要作易學五十卷詩學四十卷春秋辨義四十卷文  
震孟進講春秋將錄其書以獻會去不果有文集二十卷虞山題曰修餘堂集子人皋字  
有枚以古文為當世  
所稱（唐樓鎮志）

### 虞士彥

字嘉仲清順治五年戊子鄉試中式易經第三卷舉人

### 虞徽

（續周志）字天球號介柔康熙壬子歲貢候選教諭分纂侯志長於  
古文兼工詩賦殿撰蔡啓傳著作亦常有所就政也（均采家譜）

### 蔡成亮

字曙鳴號南陽乾隆十七年舉人官餘杭教諭早負文譽性好吟詠嘗結詩社聯  
牀唱和累月不休有以詩就正者口講指畫終日無倦容人極古雅著有南陽詩  
草輶軒  
錄補遺

### 蔡以臺

字紀實原籍德清寓居嘉善之楓涇鎮遂占籍焉乾隆癸酉舉於鄉丁丑會試會  
元殿試狀元授翰林院修撰庚辰主考順天鄉試所取多宿學如顧奕松馬曾魯

### 蔡懋憲

字章甫號元崖行剛方敦孝友宗族鄉黨推重及歲貢義讓陪貢者三邑侯陳岷  
人多稱公允（郎潛紀聞）

## 德清縣新志

### 卷八 人物

婚喪不能舉者輒捐俸助之任滿歸諸生相隨百餘里  
不忍別善畫者繪圖以贈享年八十有七（采家乘）

### 徐志莘

（續周志）字任可以詩自豪生平向往眉山每下筆清辨滔滔老年放  
浪溪山與漁樵為侶所作尤雄潔著有味根齋詩集二十卷（輶軒錄）

### 沈亦然

字韞山家新市籍仁和乾隆三十三年舉人四十六年大挑知縣歷署直隸平鄉  
南樂二縣補南宮改豐潤因事鐫秩起知大城謝病免居官以儉勤公三字自勵

妄念不動案牘不稽胥吏不能高下其手有強項令之目在豐潤倡設義學士民德之少  
攻詩古文辭罷官後閉戶著書為文以辭達為主不俚鄙不失體裁與杭州吳錫麒紹興  
章學誠相切劘著有五硯齋詩文鈔讀書  
隨筆新市鎮志（五硯齋文鈔自序）

### 蔡賜勳

字鼎書啓樽孫邑諸生性疏淡有瀟灑出塵之致生  
平著述甚富兵燹後存者已鮮（兩浙輶軒續錄）

### 徐尙綸

字素絲號蔗庵紹濱之六世孫工部尙書宜之第三子也昆季四人長又黃次  
目數行下弱冠補弟子員於經史靡不講貫而曲臺一書尤為專門之學遭宜之喪盡哀

盡禮未幾蘋村通籍入翰林尙綸謂事君事親其理一也絕意功名居家侍范氏奉旨甘  
舞萊綵者數十年如一日旋丁母艱哀毀躄踊擇地安窆後蘋村予告歸風雨聯牀時  
多唱和所著北游偶吟嚴沆序之云歌咏本諸性情和平歸於孝友蓋紀實也事兄敬愛  
蘋村疾湯藥手調事又黃亦如之德邑學宮基隘皆士紳關地而新之後兩經修葺身任  
其事邑誌久不修請於馮侯兩邑侯躬與編纂考獻徵文搜載無遺他如拯孤寡卹鄉鄰  
遇邑中水旱於施濟等事無不盡心力  
為之好善尙文其天性也（采家傳）

### 戴銘金

初名如琦字師韓號桐土邑諸生生平無妄語有犯不與校母病下痢侍疾衣不  
解帶者累月中羈廁踰皆自任之不以屬婢媪累月不懈其妻徐能詩生三子芬

字駿伯諸生福謙字貽仲舉人純字羹叔諸生並幼慧工文人稱戴字三俊有三俊詩集皆早卒銘金與孀媳孤孫相依益困賦絕命詞四章自經著妙吉祥齋詩集詞集駢體文未就一採訪冊參孫愈愚集一福謙另有傳

**馮如璋** 字襄哉年十三四時學為詩氣逸而句奇酷似鄉先輩章雲季先生修榦豐頤之不知其所作詩文老師儒宿或不逮焉好度曲奕棋無師授而皆精深嘉慶甲子舉於鄉乙丑秋病暑卒年僅二十四工吟咏居邑之白雲橋舟楫尋歷林泉景狀悉志以詩計偕北行得江山之助益清麗婉約有唐人中晚風格著

**馮欽藻** 字伯裳白雲橋人道光甲辰副貢如璋子工書畫博洽僮館京華某學士家十品畫雖干戈遍地不畏也年六十一卒一唐樓鎮志一

**程夢麟** 字素書號聽溪本安徽休甯縣人質庫司會計來清溪占籍為邑人幼而敏穎年負累他人稱誠慤性好吟咏更善操琴所居城北玉塵山房每當花晨月夕悠然一曲聞者足消鄙吝嘉慶間援例授訓導任平湖以父艱歸服更任嘉興教授以敦行為先勉賢哲化梗頑皆有法所居花木繞庭圖書滿室交游皆博雅士張叔未先生廷濟學術賅洽夢麟與交甚深酬唱無虛日時長白瑞元來治郡頗重夢麟適郡庠坍塌委夢麟脩葺半載事竣而工程堅固瑞元甚稱之楊繼宗任嘉興郡有惠政郡人建祠祀之年久圯夢麟告士紳捐資重葺志在闡幽年七十精神強固常曰司訓雖卑官亦不易稱吾可息肩矣遂致仕歸構室谿上以詩文遣懷作小影題曰悔不讀書圖自謂少年未深稽考之功然世之讀書萬卷而操履不無疚心則夢麟不可謂淺嘗文史者矣一採訪冊一

德清縣新志

卷八 人物

**蔡堃元** 字厚齋世居西郭外性長厚與人交和易謙謹嘗於慈相舊址創建三賢祠祀呂焉著有雙桂軒詩草遇匪亂散佚一採訪冊一

**蔡文炳** 字雲九父字慶瞻家饒於貲卜宅松雪里文炳幼而淳篤年十九入庠歸安嚴元業日以進所交皆敦行碩士遇春秋佳日與蔡之定蔡夔程夢麟王誠徐養源游眺山水講學論道又能濟人緩急或所求不遂思構隙而文炳坦易接之其人自慚而止咸服其度好吟詠不事彫飾思致閒遠似香山放翁尤精六法初做松雪更

**倪鑑澄** 字潤南世居城北松雪里父某沽酒為業鑑澄幼而穎悟稍長好披閱典籍會歸安嚴梅菴來清溪卜宅柯家山經術文章皆有師法鑑澄持卷從遊日與圖書相對

**沈雲** 字舒白號閒亭道光二十四年進士官廣西興安知縣負雋才善古文為沈垚凌崖吳仲圭晚年杜門靜攝猶孜孜深討卒年六十有四著有潤南遺稿一採訪冊一

**蔡壽昌** 字爾眉號補梅居城西幼聰慧過人十餘歲即游庠當府試時郡守武進趙學轍有說文質疑清遠堂隨筆蛻石文鈔香蘇閣詩草吳興竹枝詞曲盡榆粉風景爾眉父以貧故遠客兩粵時爾眉生甫四齡及長獨走五千餘里尋父蓋文行並茂之士也惜不永

氏傳經堂叢書又著有文集一自序參採訪冊一

年未三十而卒  
〔采訪冊〕

**沈用霖** 號行溥有文名少游粵幕嘗繪江天一鶴圖以自隨後由粵歸里失足墮海死人以爲讖焉所著有粵歸集孫學瀛付梓〔采訪冊〕

**徐球** 字尹輔號咏梅養灑子學術淹通尤篤志行就賢長興獨居一室惟以文章自娛暇則訪遺碑搜故實竟日不以爲勞嘗從嚴元照游偶作韻語輒以就正元照每獎飾之生平議論依名節文章守矩矱詩饒風致著有還印廬集其友倪煒文沈畦皆歸安學生能詩與元照多唱和集於柯家山館煒文字笙巢著有夢花山館詩詞鈔畦字山樵著有樂壽堂集球府志有傳一  
靜廬雜著參柯家山館詞序一

**蔡華** 字龍文啓傳次子世承家學志行不苟性恬澹不樂仕進由附監生考取直隸州州判上書以親老辭嘗於邑之焦山之麓構堂曰澹甯築室曰容齋吟嘯其中有曲池小橋之勝著有家約容齋隨筆各一卷子賜勳賜國俱諸生有詩名著有焦巖類稿四卷浙提學使阮元潘衍桐先後採其詩入兩浙輶軒錄〔采家乘〕

**徐予嘉** 字建東號則山少年隨官京師曾獻詩天津行在拜文綺之賜屢應京兆試不第以布政司經歷投効東河迨父出守柳州乞假隨侍者八載永感後不忍離墓伏而不出游覽林泉仿元白之詩摹柳歐之蹟以自遣卒  
年六十五著有亦有秋軒蟲吟四卷已刻一采家傳一

**徐恩洽** 字希韓號梧生五齡而孤入家塾讀書不厭同族朗齋武康王松齋皆名宿也恩洽先後游其門境不素豐賴母蔡擗衣節食以爲從師游學之資年弱冠補弟子員道光庚子舉於鄉辛丑會試挑取膳錄咸豐癸丑大挑一等以知縣用分發直隸署萬全阜平等縣秉性和厚以振興文教爲己任逢縣試文卷必親自校閱所取多一時俊彥尤好獎勵寒士旋丁母憂去任有口皆碑士林中競稱之服闋後補直隸順義縣因案改教引疾歸居家儉約如寒素設帳授徒講論經史娓娓不倦年七十四卒〔采家乘〕

德清縣新志

卷八 人物

**徐芝淦** 字長卿號少梅穎悟過人年未冠餼郡庠於羣經諸史靡不參究爲時輩所推許咸豐乙卯舉於鄉丙辰考取國子監學正學錄己未考取宗學漢教習庚申成進士時適母朱訃音至擗踊哀毀以不得親視含殮痛不欲生至性足尙同治癸亥始補行殿試授主事分戶部雲南司兼廣東司行走緝密從公無遺誤長官深器重之旋充則例館纂修官悉心修訂與大吏參酌因一言而改正者甚多遵例請賜其兄芝炳如其官友愛可見年五十卒於官著有聽秋閣詩詞四卷〔采家傳一〕

**徐璜** 原名仁本字兆綸號玉崖世居德清六世祖蘋村至祖西灣五世官翰林父飴菴百家多精究尤好濂洛關蜀之書篤志潛修以實學自勵年未冠舉於鄉座師爲潘芝軒盧南石兩相國潘尤雅重之招至私第課授孫輩佐理筆札與談天下事與經史之學璜口講指畫洪纖畢舉條理綜貫相國深器之上春官不售以大挑任嘉善縣訓導捐廉課士士以爲榮尋卒於署錢寶青郁岷江皆所識拔士好爲古文辭及詩著有食舊德居吟稿四卷一  
采家傳一

**徐琳** 字森玉號閻園年十五入邑庠歲科試輒高等食廩餼學使劉金門素負文望得不輟年七十終於家著有春秋土地名考證十四卷經訓志疑五卷擬繕梓毀於緒氛人甚惜之一采家傳一

**俞鴻漸** 字儀伯世居東門外之南埭父南莊年五十生鴻漸至舞勺躬教之無它師嘉慶兵列戌與七先俺答諸部相持之所即所謂古戰場也又自豫入晉足跡所至幾半國中故其詩沈雄博厚爲世所推服當客覃懷時著詠古詩四章其次章蓋爲孟皮未與配享而作子樾視學中州遂奏行之其特識尤爲前輩所未及生平重然諾輕施與嘗至邑中有拜於路者驚問誰何其人曰吾潘某也微君則長餓莩矣乃始憶其事著有印雪軒詩

文集讀三國志  
隨筆（行述）

陳斌

字陶鄰號白雲聞已過輒喜而改貧甚無以養親凡農家瑣屑事均為之詩古文  
陽再轉合肥所至開堤堰興社學創蠶織平獄訟兩邑士民蒸然向化嗣遷鳳穎同知署  
甯國府事以涇縣疑獄被謫歸斌天資疆毅通達古今發抒而為文章師經探道辭約理  
該有白雲文集（宋成熙白  
雲傳參秦瀛白雲文集序）

歸眞

字樸人一字葆旃道光丁酉科舉人第二幼年力學工制藝名於時蒯賀孫觀察  
河南聘延西席前江蘇巡撫吳元炳其授業士也年五十八卒於館寓葬龜山之  
麓東

姚桐

字子峯世居棲溪長橋之北援例得官同知少年讀書講求經濟之學不屑屑習  
耳座客驚駭還里旬日無疾而  
終年五十四（均采訪冊）

江毓荃

字巽齋道光十七年舉人潛心程朱之學造詣純粹著有讀朱階梯惕菴文集清  
溪山麓詩集居親喪不內寢選永嘉教諭未赴卒弟毓孫字恆齋諸生亦講理學  
以劉念臺李二曲為旨著有怡萼軒詩季弟毓衡字履齋亦負  
賢稱兄弟怡怡不與人忤時稱三江先生（家乘參探訪冊）

徐鑑深

初名鑑春字葆三號雲麓食廩闈試屢薦遺留心性理之學身體力行務求  
實踐喜朱子近思錄張楊園劉念臺諸書兼及亭林西河諸經學與江毓孫王誠  
輩貽書討論反覆不倦父璜十上春官未第司訓魏塘計偕之費嘗貸於人鑑深力償其  
負見背後以館穀事母已則簞食瓢飲晏如也迨遭寇亂轉徙於苕溪荷浦間必挈其祖

德清縣新志

卷八 人物

十九

飴菴之著述以隨重先澤也性耽詠有杜浣花在灤西胸抱年五十五  
歲卒於語溪著有花樹軒吟草九卷居敬軒雜著一卷（采訪冊）

朱觀光

字用賓號藤溪原籍桐鄉先世朱萬錡為德清教諭（有傳）遂占籍焉世居西  
郭外上莊圩少有聲譽序性和易耽吟詠尤工試帖格律謹嚴一時推為老手中  
年喪偶不續娶授徒以終著有藤花溪詩稿沒後散佚無存  
兄觀政字葭原亦諸生姪芾工鍊筆另有傳（采訪冊）

蔡鎮璠

字瑜卿號述堂年十六入邑庠文名藉甚居鄉無疾言遽色見者器重之好讀古  
詩晨夕吟哦不輟壯游四方多與士大夫相和抱用世志故集中感事苦雨行播  
間歌多蒼涼感唱之作著有述堂詩  
稿二卷（家傳參兩浙輶軒續錄）

蔡銘珏

字子瑾邑諸生年少幼學遇匪亂嘗崎嶇戎馬間好為詩力追漢魏盛唐之軌不  
屑効近世浮哇屢試不售鬱抑其志有句云憎命文章和泪讀妬花風雨耐愁聽  
一時傳誦年未三十而沒著有瑤田遺草其兄鎮璠作西堂詩夢圖  
俞樾施補華戴望均有題咏悼其事（俞樾詩序兩浙續輶軒錄）

徐士麟

號符香早歲入庠食餼鄉闈薦不售緒亂時奉祖母及母避於鄉不違甯處同  
治三年肅清旋丁內外艱以哀毀憂勞得怔忡疾日不廢吟詠更名曰說秉性和  
易與人交恂恂如無疾言遽色與弟士駢更友愛出入相偕有執卷請業者口講指畫必  
盡必詳成就後學甚眾詩得寢門傳在香山放翁間著有雲在山房吟稿四卷妻黃有文  
名嘗設館授徒  
（采訪冊）

許德裕

字符塘性簡默不濫交同治庚午科舉人游豫藩長祿之幕每屆北試輒束裝往  
學益進著有游梁詩草消寒道暑錄各  
一卷間作繪事具逸致（採該冊）

傅鼎

原名雲萬字鵬秋未十歲讀三傳文選已竟後學詩文一洗靡濫同治五年以國子監生中四川萬縣丁卯科帶補壬戌科鄉試舉人覆試改歸德清原籍九年官刑部江西司主事辛未甲戌兩會試薦而躡乃改知縣選有期適母卒乃歸葬萬縣未幾亦卒年三十有七性剛然事母色獨柔課子嚴著有憩雲小艇詩集一卷駢文一卷筆談一卷(纂喜廬文集)

戚士廉

字隅伯早歲食餼篤孝友敦品行所作詩古文辭具有根柢臨終有一第艱難鮎上行半生辛苦鼠搬薑之句懷才未遇人惜之著有穎香居詩稿(兩浙輶軒續錄)

程肇奎

字星垣少明敏與高振垣等同窗讀競奮進同科試入庠緒軍之役被推入水得哮喘疾因棄舉子業一意文藝著述尤專心地地理之學所著有字學錦囊地理輯要等書年五十五卒子二森柎(采訪册)

沈鴻謨

字良範邑庠生居新市父瑛邃於醫著有醫方輯要鴻謨得心傳父沒旨甘奉母而味長語工而情逸有陶韋王孟諸賢風趣是亦以詩見其志矣著有味長語一卷醒瞿集濟世堂醫訣不改樂齋詩集待梓(采訪册)

蔡樹芝

號紫香性恬靜善文詞南海羅文俊督學兩浙以蘓葡生兒芥有孫賦命題蔡作冠通場錄取第一甲辰登賢書授紹興諸暨縣學教諭光緒庚辰因病返里卒天性孤冷竟無後(采訪册)

武功

沈光

字總持陳吏部侍郎居道之子勇力絕倫適禪定寺旛竿繩絕以口啣之拍竿而上十餘丈至龍頭繫繩透空而下以掌拓地倒行數十步觀者駭異號為飛仙煬帝徵國內驍勇伐遼東以衝梯擊城竿長十五丈總持升其巔臨城與賊戰短兵接殺數十人賊競擊之墜未及地偶有垂絙接而復上擊殺如初煬帝望見壯而異之拜為折衝郎將(采家譜)

蔡淵

字文淵號淵齋膂力過人為可宗次子初可宗有贅壻曰何德連以燒逃軍案罪至途可宗卒會赦留一子當軍役餘得歸三子相讓不決母衛氏以淵有勇略留戍所後累建功績二十五年高帝親臨擢興州中屯衛五月攻圍濟南九月回陞密雲後所衛右城三月隨軍奉天征討四月白溝河大戰全勝五月攻圍濟南九月回陞密雲後所衛右所總旗十月攻克滄洲十二月東昌大戰明年深州等處殺敗長圍軍馬三月夾河大戰全勝閏三月稟城大戰又勝十月攻克西水寨又明年正月攻克東平汶上等處四月小河齊眉山中傷五月至泗州本城歸伍過淮河六月遂渡江十一月攻克金川門十二月除昭信校尉懷遠衛前所百戶並世襲追封將軍(舊志參家乘)

蔡遷

明洪武三年以武功贈安遠侯諡武襄明史有專傳惟原傳云其鄉里不詳考蔡氏家乘云德清人字明村父景和母何配馬載之甚晰(采訪册)

蔡能

字俊千號毅齋密雲衛昭信將軍淵子洪武間以軍功世襲百戶少隨父從成祖出雲中北征攻堡先登塞旗斬級多獲渠魁正統時土木蒙塵以護帝駕功升總兵改授武略將軍鳳陽懷遠所千戶天順元年正月南城護駕陞授正千戶賜券子孫世襲(采家乘)

胡心得

(續侯志)號襟寰字元靜移居塘樓之青林村早慧器識沈厚嘉靖甲子舉人乙丑進士授部主事庚午出守廣川時巨盜林道乾賴元爵之亂心得以計斃之

從容應接勘定禍亂有羊子輕裘緩帶風奏捷叙功兩蒙賜帑秋典試後卽丁內艱服闋補安慶府循聲較著撫按交薦觀察徽甯後以計誅崇仁功一見侯志一大用有期會中蜚語有調補留都之命心得於楚鄖豐功偉績視金騰尤著方其轄楚也稅使肆虐於域中播酋跳梁於域外賴其酬給因之蜀氛立掃不若鎮鄖時安定也當蘊紵變起殺撫臣趙幾驤當時疏報擬之漚亂奉命征討調各省重兵如征甯濠心得命卽移師守鎮襄陽移書當局第嚴防無過張皇度敵勢不能有爲坐困可擒後果底定正鉅勳烈未獲補爵而代官者至矣心得欣然就道歸老於田卒於萬歷之甲寅一本傳參唐棲鎮志一

### 蔡壯猷

字芑田性慷慨爽好施其父亮茂清乾隆丁丑進士出任山西朔平府知府臨歿授實朋有緩急者俾自取之而列其數於冊皆如所欲而去有郗超之遺風焉家日以困後援川楚例入貲議叙從九品因銓期尚遠遂入粵佐軍官入海勦洋匪爲礮轟擊同時十六舟俱燼壯猷漂泊海水中一晝夜始遇救卒蕩平洋匪以軍功保縣丞

### 蔡兆騏

字良童號駿甫父廣颺官內閣侍讀學士兆騏隨侍京師入監讀書究心經史兼通醫學咸豐元年學士乞骸骨歸後積軍至金陵奉命回籍會同浙撫辦理團練尋病卒兆騏力疾治喪旋丁母艱益哀毀骨立十年積軍破湖郡德清戒嚴兆騏首勸民團衛桑梓二月匪又至兆騏力竭潰圍走上海乞師久之未決同治三年左文襄巡撫浙江檄理全省善後事宜時省垣已收復餘匪集湖郡在德清者亦去因建言德清爲入郡要道匪縱飄忽宜防同竄文襄是之令馳回重集民團堵後路時蔣果敏被匪圍於東林山參將楊某往援不克文襄乃盡遣省垣陸軍圍攻湖郡又因其地近德清西北飛飭砲艇六十艘檄兆騏督率爲前鋒輔以蔡載錫馮壽鏡數十艘合攻於洛舍漾而至鮎魚口砲署橋梁等靡不力任其難初兆騏納粟爲知縣以戰功加藍翎同知銜光緒五年分發江

## 德清縣新志

### 卷八 人物

### 蔡載錫

字仙槎

### 蔡振勳

字最甫

蘇時馮壽鏡知丹徒縣以病上書請代大府器兆騏檄權之躬治煩劇不假胥吏手有事於鄉與鄉老循行田野問疾苦祁寒酷暑弗顧遂以勞瘁卒於官年五十歲一采訪冊一者五人次者四人分二十船爲兩哨以姚應魁爲哨長守西路時洛舍馮壽鏡亦設鄉團械由團長籌墊故開支輕而人心固辛西九月股匪破杭州四出攻掠二十一日自梁渚苟莊而下溪塘有騎四五人爲探載錫振勳率槍划船於溪塘轟之匪轉轡去旋引大隊來飛划隊不支由峻明橋退至西門匪駐隊於丁山望見城無守兵乃翻城入知縣鄧珩隨姚應魁出西門去匪沿街放火以示威而思久踞之其酋住南門林姓宅拆餘不廟戲臺而別營於下街於小南門外設市肆袁家祠堂設徵收局僞示安民載錫避於鄉隱結故團以待時同治三年三月杭省克復匪有拔館意臨去謂拔館必攜掠有姚和尙者西門外北塘人本載錫團勇投軍充旗長言於高軍門連陞持文由上柏來令載錫振勳策應乃飭哨長姚應魁率槍船由南門進攻而大軍由溪塘馳至匪出西門遁追至太保塘與戰績有斬獲乃竄前山章家橋而至埭溪與湖賊連合高連陞收城邑後命載錫振勳會同馮壽鏡攻東林山令姚應魁爲導隨攻埭溪紫營於平橋適礮勇失火燼其舟應魁連夜奔城取火藥七十桶回營匪以爲藥壘方攻壘却載錫振勳馮壽鏡率槍划船數十合圍繼進攻東林山而破之隨攻荻壩袁家壑長超等處軍門令隨營辦事載錫振勳以匪勢未平難離鄉土辭乃保載錫以縣丞用加六品銜振勳以訓導用歷署浦江淳安等縣稱譽士林載錫有母在堂無出山意設帳於家得絃誦之樂至壽鏡中同治十年進士歷任丹徒等縣知縣贈二品封典事業尤隆一采訪冊一屠老四邱老大 俱西鄉受頭門農夫也屠膽大性直勇力勝人咸豐十年庚申聞匪自武康至乃於橫塘橋剝木爲炮築土爲壘率鄉人以禦之匪探至發鳥

羅伍

淮安府清和縣人

王大森蘇伍

均山東人為德清等處後幫運糧船舵工大森為長咸豐十年庚申匪破廣德泗安後乃北攻長興南攻孝豐

槍轟擊斃其前鋒餘以有備奔而去復引大隊來攻屠乃發木炮炸而潰匪遂踰橋進城屠後於新市被匪偵知為鄉團首用鐵練燒紅烙死之邱卒於光緒初年(采訪冊冊)安吉而至武康時德清戒嚴折跨塘橋永安橋以絕其渡大森等三人偕杜老祿白長發劉大發等數十人築壘於永安橋南以禦之匪至與戰數時各有傷亡匪於楊家山折民房搭浮橋蜂擁渡河大森力竭退而城中多作逃避計膽大者猶以為可阻後不濟乃大奔匪至南門羅伍將南門疊閉而豎旗於城上以伺之匪恐有伏遲徊久之梯而上羅伍手刃數人亦中矛死屍被分段時二月二十六日也羅伍字巨川邑人之少被殺戮賴有跨塘橋永安橋城門之三阻亦壯矣哉(采訪冊冊)

鍾丙熙

字桂谿新市人增貢生咸豐十年辦理團練護衛桑梓甚為出力經浙撫王將軍新市冬防慷慨好施輿論多之五年知湖州府事桂斌題給惠周桑梓匾額子選青字聽泉有父風(采訪冊冊)

忠節

忻都

字有章德清村人(舊通志作杭人)順帝時官至萬戶侯至正二十三年徐達引兵晝夜環攻不下乃於城東龍壩潛穿隧道城壞二十餘丈都率兵將走汴梁達引大軍追之轉戰四十餘里馬蹶被獲或勸之降曰大丈夫以身殉國復何言從容就死按明史日本國志載兀世祖遣使趙良弼數招之不至乃命忻都范文虎等帥舟師十萬征之至五龍山遭暴風軍沒而還前後兩忻都以相距七八十年未必即是一人姑並存之備史家采擇焉(均明史)

蔡懋德

字維立本德清人出嗣於崑山姑母家從陳姓懋德兵備嘉湖時始奏復本姓寄籍崑山(河南蔡氏通譜)少慕王守仁為人著管見宗良知之說舉萬曆四十七年進士授杭州推官天啓間行取入都授禮部儀制主事進主祠祭員外郎尚書率諸

司往謁魏忠賢祠懋德託疾不赴崇禎初出為江西提學副使好以守仁拔本塞源論教諸生遷浙江右參政分守嘉湖有劇盜屠阿丑率眾千餘出沒太湖懋德生擒之盜平毛奇齡撰蔡忠襄傳繼乃嚴保甲立捕盜窩盜之法廷臣以懋德為知兵丁艱服除起井陘兵備道調甯遠以守松山及修臺堡功數叙賚會災異求言懋德上省過治平二疏規切君相嗣改濟南道濟南新殘破大吏多缺人懋德攝兩司及三道印遷山東按察使河南右布政使田荒穀貴民苦催科賊復以先服不輸租相煽誘懋德亟檄州縣停徵上疏自劾詔鑄七級視事十四年冬擢右僉都御史巡撫山西召對賜酒饌銀幣明年春抵任討平大盜王冕十月統兵入衛京師詔扼守龍泉固關二關李自成已陷河南懋德禦之河上十六年冬孫傳庭統兵數十萬守潼關時天連雨弓矢弛張朝議督戰日急孫一戰而潰無濟自成破潼關據西安盡有三秦十二月懋德師次平陽遣副將陳尚智扼守河津山西京師右背蒲州北抵保德悉隣賊依黃河為險然窮冬冰合賊騎得長驅懋德連章告急請禁旅及保定宣府大同兵疾赴河干合拒中朝益積憂山西言防河者甚眾然無兵可援懋德以疲卒三千當百萬狂寇時太原洵留守汪宗友馳羽書促歸又啓晉王以手教敦迫謂省會重地不歸救則太原失即堅拒河上無益懋德乃留千人守平陽千人守汾州自率千人赴太原宗友即出巡他邑懋德貽書甯武鎮總兵周遇吉曰僕素悉公忠義鼠竄偷生公必不為但拒河恐力不支倘天不佑國逆賊長驅北上願與公約公死守甯武以扼其北僕死守太原以障其東或可牽制以俟畿輔援兵此睢陽之烈也遇吉慨然許之嗣賊攻拔平陽尚智奔入泥源山中明年正月自成稱王於西安轉掠河東列城皆陷尚智叛降於賊於是懋德誓師於太原布政使趙建極監司毛文炳蘭剛中畢拱辰太原知府孫康周署陽曲縣長志泰等官吏軍民咸在懋德哭眾皆哭而罷官命適至或請出城候代懋德不可曰吾已備一死矣新任即至我亦從死調陽和兵三千

協守東門剛中慮其內應移至南關之外遣部將張雄分守新南門召中軍副總兵應時盛入參謀議甲申正月自成遣使持牘招諭懋德碎其牘斬來使懸其首於牒樓由是城中惴惴守志益堅懋德度自成駐營處埋地雷遣壯士竊發之砲起擊殺賊無算而自成適往近寺浴得免恨哉二月五日賊至城下遣部將牛勇朱孔訓王永魁出戰死之明日自成具鹵簿督衆攻城陽和兵叛降又明日畫晦懋德草遺表須臾大風起拔木揚砂調張雄守大南門雄已縋城出降語其黨曰城東南樓火器火藥皆在我下卽焚樓夜中火起風轉烈守者皆散懋德出遣表付友人賈士璋間道達京師語人曰今日吾致命時也卽自剄麾下持之時盛請下城巷戰顧懋德曰上馬時盛持矛突殺賊數十人至炭市口賊騎充斥時盛呼曰出西門懋德遽下馬曰我當死封疆諸君自去衆復擁懋德上馬至水西門懋德叱曰諸君欲陷我不忠耶復下馬據地坐時盛已出城殺妻子還顧不見復斫門入語懋德曰請與公俱死遂偕至三立祠懋德就縊未絕時盛釋甲加其肩乃絕時盛取弓弦自經建極文炳剛中拱辰康周志泰皆死之自成執晉王據王宮恨懋德之降也驗其尸以刀斷頸而去懋德既殉賊從保德趨甯武周遇吉戰死家僅無一降者踐前約也懋德初諡忠襄至清乾隆二十一年追諡忠恪（明史參通譜）

### 蔡震彪

明末之烈士也少有膂力智計絕人太湖游擊吳楫之耳其名延至署後平流寇歿於陳贈將仕郎（采訪冊）

### 蔡子標

邑諸生隆武元年九月清師下浙西子標招募水軍與太湖吳易之師相應不克被禽抗言不屈索衣巾入杭州清師欲降之子標瞋目大罵乃殺之行刑觀者如諸忽有人出衆中持子標大慟欲死刑者大駭掙之去子標曰吾不識公奈何至死所其人曰吾與公誓不相負公死何生爲始知子標密友子標固欲生之不得也是夕同刑者六人臨時忽益其一卒不得其姓名（謫磨堂集）

### 蔡孺法

子標族子亦諸生隆武二年秋監國魯王航海浙西諸鄉兵潰民皆如限薙髮孺法獨不肯鄉之無賴子弟欲執之以爲奇貨孺法方集兵二百餘約故總兵官平

## 德清縣新志

### 卷八 人物

二十三

湖將軍陳萬良共攻湖州不克邑令縛其父若弟命致孺法孺法挺身至曰義不忘故國且受魯王命事不遂當死父弟嘗勸孺法孺法勿聽也乃活之而置孺法於重典（謫磨堂集）

### 吳允淳

字宏文邦相之猶子後從德清遷唐樓購葺吳園鼎革時潞藩命方某汪某某三總戎屯兵樓里倚敵樓爲險思拒清兵清兵至攜李軍督陳洪範寓書於允淳淳謁潞藩力言唐樓一處不可拒敵潞藩令撤兵六月十三日清兵過樓囊弓囊矢不犯秋毫允淳力也入清由監例任漳州通判海寇至殉節（唐樓鎮志）

### 胡光輔

原名來金字皆甫號苓年晚號經齋新市鎮人珏子道光乙酉拔貢考充八旗官學漢教習壬辰中式順天鄉試舉人考充武英殿校錄廿一史議叙知縣戊申選任江西上高王子調署高安咸豐癸丑七月匪陷瑞州府至高安縣迫之降不屈遂殉節事聞賜卹雲騎尉世職入祀忠義祠光輔自選拔後游京師二十載從游耆衆其造就之著者如平湖吳若準吳縣李德儀皆以翰苑出官督學生平著作類多散佚晚年

### 徐傳經

字頌漁議叙國子監典籍簿成豐庚申殉難奉卹雲騎尉世職追贈光祿寺署正（采訪冊）

### 徐培生

文童字慕廬同治元年殉難入祀忠義祠（采訪冊）

### 徐 竑

字重侯邑人安徽黟縣知縣調署當塗廬江咸豐戊午奉委到浙勸辦皖省捐輸未竣至庚申杭州失守偕子兩淮候補鹽大使鏞字與三及媳等同殉難奏請卹贈雲騎尉世職入祀浙

### 徐鳳階

字樸甫邑人任直隸大興縣典史改山東陽穀縣典史赭軍陷城劫獄同子本森堅守堵禦同時被戕卹贈雲騎尉世職入祀山東忠義祠（采訪冊）

沈方毅

字鐵珊，曾官湖南縣丞。以老去官，咸豐十一年九月，賊再陷德清，方毅朝服坐堂，不撓，蔡色動已而賊渠朱姓至，令下拜，方毅罵曰：「我命官，豈拜賊者？」遂與二子皆被殺。蔡感方毅方正，縱其妾吳及幼子出城，吳有殊色，土豪與語，將犯之，不可，并其字沈於湖一僕一婢從死。

宋廷魁

字文波，新市人。監生，咸豐庚申八月，匪犯鎮全子世，鈞字石友，投河殉難。於東柵平橋後河（采訪冊）。

宋廷杰

字春圃，新市東柵人。由附生中式道光辛卯科舉人。考取景山官學，教習期滿，以知縣用，改歸教職。選授嚴州府壽昌縣教諭，咸豐庚申殉難。府志作孫廷杰（采訪冊）。

訪冊

宋廷棟

字策庵，新市人。候選從九品，咸豐庚申匪犯鎮慢罵，之遂被害於南柵。時七月二十九日也（采訪冊）。

蔡瑄瓏

邑之西關人。咸豐九年避亂於歸安雙林，鎮遇賊死於難。時年十五歲（采訪冊）。

胡光鏞

字有明，號蘭卿。太學生，咸豐十年庚申勦辦新市團練局，匪至接仗，殉難。卹如例。附祀浙江忠義祠（采訪冊）。

沈保恆

字哲卿，邑人。自雲南普洱府和府調元江知州。同治元年回匪大至，與戰，衆寡不敵，力竭城陷，死之時有鎮沅同知吳德森過元江，保恆上請留辦軍需及團練事。

宜破城日與同死之德森烏程人（采訪冊）。

施政

字東郊，邑增生素習醫，貧者不受謝。遠邇德之居長興之周濱鄉，咸豐十一年匪陷長興，圍湖州，政集里中少年團練，自保。匪檄至焚之，又殺其索獻納者，匪怒擁

德清縣新志

卷八 人物

二十四

衆至政據險設伏，以待數敗之政，並遣人間道入府城求援，而匪得其書，乃攻益力。圍兩月，餘食盡而陷。政與妻趙子淶皆死之（忠義錄）。

徐本誠

原名金南，字豐玉，邑人。江蘇候補從九品，分差揚州。咸豐三年，匪陷揚城，冠帶殉難。屍骨被焚，浙撫馬新貽奏准卹贈恩騎尉。世職廕一子入監讀書，六個月期滿，以主簿遇缺即選入祀揚州府昭忠祠。浙江忠義祠（采訪冊）。

胡兆元

字健齋，新市人。少有膽氣，咸豐庚申匪擾江浙，兆元年已老，慨然以悍衛鄉里為辦。團防甫就緒，而匪已鷹至，衆至數百人，人心洶懼。兆元獨奮然，令汝聯趕赴邑中求援，自率義勇，拚力抵禦，殲二十餘名。以衆寡不敵，比援至，已與監生吳光鏞沈作稽宋某武生邱槐等均力竭被戕。兆元死，事尤烈，旋奉獎給雲騎尉。世職其餘亦賜卹，有差汝聯字蘇亭，博學能文，道光己酉舉於鄉，咸豐庚申之亂，匪衆至鎮，遵父命赴縣乞援，比兵至而其父兆元已死，難汝聯號泣誓殺賊報仇。時治城洛舍鄉勇民團，齊至竭力會勦，斃匪二百餘名。鎗傷及死於水者又百餘人，擒獲正法者三人。賊始潰退，迄光緒五年鎮舉冬防，汝聯在事最出力，奉湖州知府桂獎給一鄉善士匾額。生平著作甚多，尤長於詩，有刻入兩浙輶軒續錄者（采訪冊）。

徐蔭培

字思棠，府學生。西南兵起，浙西戒嚴，嘗謂所親曰：「萬一德清不守，吾當奮臂罵賊，速之去者，瞋目不答。賊至大罵不屈，遂被殺（忠義錄）。」

蔡祿生

西城人。習業市肆，殿撰啓傳後裔。咸豐庚申年二月二十六日，匪陷被擄去妻邱左文襄宗棠奏請追贈京主簿。合祀忠義祠（采訪冊）。

沈心燦

字浣花邑庠生少時美風儀跌宕自喜東南多故慨然有殺賊之志咸豐十年匪陷德清心燦遂發狂疾日飲無度歌哭間作聲達內寢母呵之乃止踰時復作十一年德清再陷心燦奉母走荻埭為匪所乘既脫而母驚死季弟中鳥鎗死幼子又死於是狂益甚匪至投水死一忠義錄一

蔡親仁

西城外人父開元老病親仁事之以孝聞匪至徙避父子未嘗一日離咸豐十一年九月德清陷各鄉被掠倉卒與父相失奔走訪尋眠食皆廢越七晝夜遇父於句壘村悲喜交集急登舟匪適至以火鎗擊舟親仁臥舷底以護父身受彈傷而開元獲全同治元年六月復遇匪又失父所在匪迫投河死一忠義錄一

蔡廷棟

字洪生尚義後裔幼業儒性孝友家貧兄弟同爨雍雍愉愉事父母甚謹鄉里無間言咸豐十一年九月匪至廷棟隨父鏗避鄉間家屬四散路遇匪父鏗兄廷柱俱被擄廷棟泣謂匪酋曰父老不如我少兄瘦不如弟肥願以身代匪乃棄其父與兄而廷棟被執焉酋威脅備至且令負重廷棟曰我書生手無縛雞力難從命賊默然久之令以白鏹獻曰我家貧如洗何以獻賊怒殺之棄尸於道時同治元年壬戌也甲子亂甫平父自茅山逸出兄由海甯逃歸弟廷樑設賈於澉村各謀生計知廷棟被殺徧求其尸不可得未旌一

蔡瞻麓

字晴峯邑諸生少好讀書性倜儻不羈父某為粵中名幕瞻麓繼之而肖咸豐十一年匪眾大至家屬四散瞻麓遇害有子宗蔭亦被擄未旌一采訪冊一

徐思諤

原名廷璐字一士又字肇卿號菊舫侶雲三子溥泉嗣子喜讀書不屑屑事章句性慷慨壯烈有義俠風嗣值匪勢甚張慨然曰丈夫當立功疆場馬革裹尸耳我不能事親以終天年亦當殺賊以報國祇因嗣母毛氏在養未遂其志咸豐庚申秋常熟城陷預居邑東歸市以避賊鋒辛酉春厥兄柳村自淮安歸迎眷渡江毛氏與焉董君某故市中大紳也奉團練大臣龐文恪公命辦鄉團稔思諤才延襄團務設計殲賊董君倚之如長城居久之偕同邑諸生言翔霄越境偵賊營賊覺被執誘降不從脅以刀驟起奪

德清縣新志

卷八 人物

刃擊賊不中赴水死年才二十一事定大吏以事聞旌表忠義崇祀昭忠祠春秋官祭事蹟載昭忠錄及常昭縣乘一采家傳一

徐應枚

改名逢春號文濤性伉爽倜儻多藝能尤精鑑別不沾沾於帖括年二十餘補弟子員凡彝鼎圖書一見能別真贋工繪事摹仿名人尤能逼真收藏家交相推重值匪擾江浙咸豐十年二月勢且逼城邑奉嗣母挈妻避近村與次子士鵠三子士鹿同守城值城陷從容謂二子曰吾身為儒士力不足以殺賊保鄉土義不可以並生遂携二子赴水死江浙肅清大吏以父子殉難忠孝兩全奏請賜卹雲騎尉世職又士鵠給廕縣主簿入祀本縣忠義祠一采家傳一

沈承熙

字藹香新市人性穎異精醫學少應童子試文多恢奇不合主者輒見擯咸豐庚辛間匪擾境母因年老艱於遷徙逡巡不肯避藹香侍焉賊至掠去時被掠者訴於賊曰此吾鄉有智略者也賊厚遇之將授以偽職乃大窘佯病不起乘間逃歸閉門匿跡讀書奉母問出其醫術治病得酬金以備甘旨後為賊偵知趨至掩倉卒奉母避妻賊不及隨乃拘其妻問所在不答加捶楚又烙鐵線刺之幾死卒不告母聞之命權出詣石門益逼使任事乃大憤度終不得脫遂仰藥死年三十四歲子錫培亦殉難所著有聞妙香室詩賦各一卷一沈廣元撰一

許萬春

東白虎圩人與弟萬寶世業農咸豐辛酉九月匪再至同被擄賊令萬春負重擔行百里以力竭辭賊怒殺諸湖城北門外同治甲子肅清後萬寶逃歸覓兄骸骨卒不得一

采訪冊一

沈阿四沈德寶何萬金

均何家坎人咸豐辛酉九月被匪殺死

王阿長

年十八歲何家坎人同治元年壬戌五月初七日匪斷其首父母兄弟妻五人慘痛不已適冬大雪均死

姚叙寶 邑人匪竄浙江時充保衛局鄉勇同治二年隨團

陸阿年 白虎圩人咸豐庚申二月被匪殺於東門砲臺上

沈文思 字蓮莊東衡村人幼讀守農事遇匪被擄於洛舍罵賊不絕聲被絞死三官堂前年二十四

莫天麟朱廷相 均十七區人同治癸亥被匪槍死

朱升階 朱家灣人同治癸亥二月被匪擄至上柏逼以重擔力不勝任被槍死年五十子同時殉難

徐有成孫阿寶 均農人咸豐辛酉徐被匪殺於城內紫陽觀前孫被殺於田間

姚阿巧姚福生許文瀾許萬興 均東白虎圩農夫咸豐辛酉九月賊再至被擄均遇害

忠節除因採訪所得各叙專傳如前外另從德清縣忠義祠彙錄殉難姓氏一有傳者參觀列傳有出身官秩者并錄出身官秩以資表彰其殉國急義依時代為衡此皆清代之正氣未便湮沒列之如次

光祿寺署正 徐傳經 安徽補用同知 廬江縣知縣 徐竝 候選同知 沈方毅 壽昌縣教諭 孫廷杰 候選鹽知事 徐長齡 候選訓導 馮壽培 候選訓導 馮棻之 候選從九品 宋世鈞 候選訓導 馮壽恭 候選

德清縣新志

卷八 人物

從九品 宋廷棟 監生 沈穗 候選巡檢 高維翰 議敘從九品 杜鶴汀 六品銜江蘇候補從九 徐金

南 江南安東縣縣丞 徐寶仁 候選從九品 徐宣詔 福建鳳山縣典史 談堃 監生 宋世棟 監生

何堯章 廩生 沈毓桂 廩生 沈陞賡 增生 施政 廩生 沈毓賢 廣東羅渡司巡檢 蔡釗

增生 程鏡心 署雲南普洱府知府元江州知州 沈保恆 增生 徐鳳春 增生 徐士鵠 增生 馮祖壽

附生 蔡基田 附生 談德輝 附生 姬應魁 附生 虞贊堯 附生 談祖恩 附生 徐蔭

培 從九職銜 徐麗生 附生 徐一飛 附生 沈彥聲 附生 姚升墀 附生 沈鼎 附生 宋

世惇 附生 蔡瞻麓 附生 徐祖耀 附生 徐召棠 附生 蔡渭 附生 馮欽蓁 附生 陳竹坪

德成 附生 沈心燦 附生 許昌熾 附生 蔡瑞臻 增生 徐昌禧 廩貢生 陳竹坪

孫元吉 武生 陳世楷 武生 邱魁 武生 胡宗英 武生 朱錦 童生 許保升

徐培生 童生 虞聯福 童生 許延齡 童生 陳冀元 童生 宋廷魁 童生 胡光鏞 童生 監生

陸銳 監生 孫繩祖 童生 徐士鹿 江南南河縣丞 周蘭生 候選訓導 許儼 山東陽穀縣典史

徐鳳階 候選從九品 沈梅陽 候選巡檢 陳朝宗 候選從九品 陳履椿 分省試用典史 徐養禧

八品 職銜 徐養福 文 沈文思 四川榮昌 縣知縣 李肇基 候選 典史 徐鳳銜 江西上高 縣知縣 胡來

五品 職銜 黃際唐 文 施 涑 生 監 蔡泰生

以上八十二名同治三年至十年經浙撫先後奏請並准禮部咨覆合例具題

監 生 宋策庵 監 生 徐紹祖 從九 品銜 楊景康 從九 品 王履亭 監 生 項漢章 主簿 鍾 胡

念祖 監 生 潘寶三 附 生 蔡俊三 從九 余望之 監 生 陳兆熊 附 生 蔡德慶 監 生 鍾

郁文 監 生 徐敦溥 附 生 嵇晉鎔 監 生 蔡森棟 仁 和 附 生 陳青巖 監 生 余養初 附 生

蔡西榮 監 生 陳蘭階 附 生 沈 俊 監 生 陳亦山 附 生 蔡贊元 監 生 施 榮 附 生

姚利生 武 康 附 生 丁汝蘭 附 生 蔡 澄 附 生 沈 渭 監 生 宋文坡 監 生 宋石友

附 生 蔡鼎梅 監 生 段祖勛 附 生 張乃釗 監 生 段心源 監 生 朱士翊 附 童 封

附 生 潘尚之 武 康 附 生 孫堪恩 武 康 附 生 孫澍恩 附 生 蔡烈菴 附 生 胡俊千 廩 生 黃逢

源 監 生 蔡建培 監 生 蔡金波 監 生 嵇恆齋 監 生 沈毓禾 監 生 徐調元 童 文 蔡貽

清 童 文 許 濬 童 文 許景商 童 文 袁菊生 附 生 蔡森樑 附 生 倪蓮舫 附 生 蔡仁

德清縣新志

卷八 人物

瑞 生 附 蔡 慎 生 附 蔡本淳 生 附 張 寅 生 附 蔡又村 生 附 沈為楨 童 文 徐少

甫 生 附 姚桂一 童 文 蔡震生 童 文 蔡午莊 生 監 宋可齊 生 監 徐斐然 生 監 宋幼

春 童 文 徐承基 童 文 蔡來章 童 文 蔡錫堂 童 文 蔡隆福 生 附 宋石莊 生 附 蔡茗

巖 生 附 姚佩金 生 附 王乃銓 生 附 邱 櫬 監 生 邱錫範 生 監 蔡小山 監 生 周廷

棟 從九 沈秉鈞 監 生 胡兆元 監 生 周文江 五 品 軍功 高鼎魁 監 生 沈承熙 附 生 徐

逢春 江西武宣 縣知縣 車君乘 附 生 徐春禧 候選 縣丞 車君稷 監 生 車不二 鍾 郁

朱老四 吳玉林 吳德林 吳保林 嵇三福 李大成 陶望師

許保林 談祖榮 朱熊飛 陳鳳輝 劉玉兒 木 鮑 某 蔡小山

徐延齡 張文煊 陳富榮 陳豐年 談敬天 楊仰生 嵇福保 費

瑞祥 王連生 吳 濤 朱老二 朱老正 吳寶林 吳世林 吳阿

高 許了豆 徐天寶 朱小山 姜耀天 章松林 陳鳳儀 劉寶順

閔財福 徐德順 喻金成 姚大才 蔡希岫 陳遐年 陳長慶

仲大猷 姚鉞元 夏學功 張有先 胡賓 胡芬 孫學恆 陳大貴 蔡利川 梅高元 陳和尚 梅高良 高賢功 高正功 梅高芳 高良功 沈嘉寶 沈興寶 沈少卿 吳宗海 王夢標 蔡嘉生 吳福元 蔡聚生 項晉希 工界 胡二 費永福 項肯堂 湯阿巧 費鴻福 沈采生 朱吉安 高萬坤 蔡有喬 坊者 阿福 賈維寅 陳安濤 顧廣富 陳玉恆 沈蓮莊 顧廣才 沈殿揚 姚庚生 姚廷柱 蔡祿生 許增芝 高學曾 費鳴嘉 沈東山 高鳳枝 孫長生 袁鴻 蔡宗立 黃老天 胡貢三 聞錦春 王又秀 虞冬生 聞錦福 蔡鶴天 董黼堂 聞順生 蔡汝璋 蔡松殿 聞寶生 蔡阿德 商民 許鳳起 唐應生 蔡司生 趙昆玉 唐滿生 沈長順 蔡永林 夏九方 蔡仰高 姚玉堂 董二伯 蔡雙福 馬用藩 錢天玉 徐小連 夏景壽 夏坤祖 高福昌 程建升 夏清元 沈

寶順 沈永和 朱祥春 蔡發祥 項位高 夏天順 蔡延生 符玉麟 夏貴方 文童 戴寅亮 符玉奎 夏甯祖 余葵之 施保元 嚴六金 沈嘉保 岑奎揚 夏德茂 董志晉 余加源 夏憲方 徐福生 徐璣 俞掌發 夏德富 金小毛 李天駟 沈華齡 章尙林 朱維發 商民 蔡祖保 蔡肖善 沈應 蔡松橋 楊隆輝 朱天龍 倪金山 沈寶山 朱天順 孫永佳 沈吉昌 沈順寶 王世行 將兆榮 吳宗治 王世壩 張燦生 施起祿 沈文初 沈宗元 錢協隆 朱煖雲 沈成熙 李聖隆 楊寶三 嵇道明 沈加商 趙熊茂 潘益福 王順元 王希瑞 姚鳳章 朱蜀江 朱茂初 章金波 鍾仁槐 邱福楠 邱煜天 陳瑞元 胡清如 吳金祥 沈士貴 沈德天 倪士南 王世乾 王世周 沈斗元 沈幼亭 趙人美 俞立政 馮來生 馬萬春 夏益和 童德順 趙介眉 張百泉 姚明天

沈師愷 馮大官 沈長庚 沈維馨 嚴承恆 高省方 許晴嵐

沈嘉齡 文童 談瑞天 紀金西 姚壬士 姚天寅 許增芝 陳廣性

徐福凝 許壽璜 許壽梁 張玉英 錢兆吉 祝應槐 徐飛鶴 沈

茂璋 仲二 沈永嘉 喻金保 喻振乾 徐大官 董洪章 張有

魁 潘小林 祝應槐 呂卜山 呂卜厓 祝大官 嵇鳳岐 蔡親仁

張九 蔡承祖 沈師旦 徐蘭生 勞如鈺 丁錫禎 李周華

陳昌來 方秀立 俞應天 勞如玉 陳錦堂 朱殿加 范永發 陳

玉衡 姚鳳掌 沈雲才 蔡三錫 賀鳳天 施錦祿 成年寶 沈茂

章 夏益高 費天柱 姬耀魁 沈天祿 陳文寶 范國年 王德

邱煥文 莫士奎 王蘭珍 朱岳年 王玉詩 丁水春 高省方

沈維南 沈壽山 姚共元 車笏亭 沈錫堂 范允加 沈天福 陳

文貢 姚亭元 費法 陸開堂 邱景芳 莫聚聖 蔡瑋瓏 廩生 黃

逢原 文童 姚師毅 監生 蔡建培 蔡嘉生 監生 戴傳樸 農民 蔡天保 商民 許鳳

起 附生 宋世鈞 虞恩澤 沈尚珍 文童 胡兆元 虞汝舟 武生 邱潮 文童

邱福楠

按以上忠節四百零四人除車君乘係於順治年殉節見侯志外其餘殆未請旌惟姓名不免重見者恐未必一人未敢率刪仍原册耳

孝義

沈起 字興宗天禧間舉進士受官曹郎兼左拾遺未幾以父疽棄官歸有司劾以擅離職守坐免官仁廟謂輔臣曰以親故致罪豈勸為子者耶詔復其官至天章閣侍

制烏程費耘老為之贊曰倚古興宗純孝天鍾王事靡盬將父曷從好爵之糜溫清弗隆棄如脫屣嗟彼飄風王言如綸克遂孝終一采家譜一

談真 字彥誠號梅軒父士遠號檜菴先世居市亭山之陽少失恃父親教之長而授室俾綜理家務創置增殖舉無遺緒而家益富父性素嚴少有不懌必先事揣度得

其歡心乃已父患疽膿難出以口吸出之晚年復患溺血吸之疾止繼母楊兩目失明顛天禱豁然如故人稱其孝一弟五妹視之無間婚嫁以時不以縈親慮睦於宗族匱乏必

周緩急必赴處鄉黨務以柔勝下至廝役待之皆有意故人咸敬之晉陵王儼撰傳一

談應祥 字元禎世居餘不之南父仁祖信曾祖士遠俱為鄉飲大賓應祥幼篤學嘗受業於解元田惟怙邑令衡侯方侯各禮請為其子師領鄉薦事父以孝稱父久病癰

醫藥無效應祥乃涕泣為吸之敷通而頓愈他日歿哀毀踰節幼姑暨妹撫育字嫁不遺餘力弟居易病疫閤室僵臥奮不顧身為之醫禱舉家得痊族閭之貧者危者勉力拯濟

有爭者曲爲解息靡不欣服數舉鄉飲賓課子崇文崇道崇階均能自立卒年七十有六著有南溪小集（姜可望撰傳）

**陳朝用**

字惟忠以生於六月母歿後至降辰輒悲號竟日并顏其堂曰思炎即以爲號陳水南有題思炎卷詩

**胡進臣**

字春陽有至性雖出嗣大宗未嘗一刻忘怙恃所居相距里許一日間往來如織不以風雨寒暑間孝思不匱

**沈之鯨**

字文洲邑庠生母黃年老多病之鯨侍奉藥食晝夜不倦居喪哀毀骨立未嘗見笑容

**胡忠宰**

字靖公其父懋勉常焚借券還遺金有善人之稱靖公亦樂善好施能繼父志年踰七旬家人不戒於火靖公身負九十餘歲老母突鬱攸而出力盡踏地俱死火

中人莫不哀之

**沈宗元**

字允一侍父病至十年寒暑未嘗解衣寢

**陳元錫**

字禹公邑庠生學曾之孫痛親早背懸遺像寢室中旦夕焚香肅對時或隕涕如雨蓋終身慕也

**仲允隆**

字大勳少孤事母邱氏極孝日必問所欲進之夜必俟安寢而退母六旬外忽患偏枯之疾飲食起居盡資於人允隆晝夜不離房闈竭方醫養十餘年母始能起

**柴魯儒**

字泗傳其先慈谿人父某遷居鎮之東柵幼孤貧喜讀書精瘍醫兼工篆刻詩亦清拔可誦天性純孝終身依墓爲廬作墓田十畝一時和者甚衆又於墓傍買隙地一區收埋遺骸歲時必以杯酒奠之子

**早殤一女嫁庠生蔣一元藏其遺稿於家**

德清縣新志

卷八 人物

**曹起山**

鎮之巧者也母病剖股肉雜粥糜中進之病卽已又數年母死哭踊無節喪服終身不除（以俱沈亦然新市鎮續志）

**徐紹**

字星右號慕葭齡侍本生父疾衣不解帶三年不懈如成人少承庭訓隨官揚州肄業安定書院齋使曾實谷深器重之旋以鹽經歷分發兩淮委辦江都縣災

**徐灝**

字清勤自矢躬親撫恤民德之大府會奏勤勞得邀議叙領運甘肅兵餉道修任重艱苦備嘗以憂歸得疾十載不痊病中以吟咏遣寂孝友爲懷樂善不倦著有慕葭詩稟五卷已刻一采家傳

**徐灝**

字勿箴邑人灝後母弟也世居淥溪十齡失怙灝亦蚤世時值明鼎革匪利其貲縱火劫掠勿箴護母棄家避棲里屢試不售恐負母教立願積功刺銘於臂術者

**徐灝**

卜母有厄乃早夜焚禱願捐己壽以益母年至期果病夢神麻而瘥癸卯領鄉薦遵母訓焚券蠲租以母八旬不忍遠離赴會試母敦促乃行試畢亟返黃協先饋云解道季方能

**徐灝**

色養趣裝歸覲不停橈母病腰非人不煖勿箴捧足侍臥母歿苦塊棺側足不越戶外三載庚戌捷禮闈授中翰時母尚在殯一獲貲贈卽假歸馮相國贈宋人句云去國一身輕

**徐灝**

似葉高名千載重如山營葬竣赴都官至工部郎中孫德泓康熙乙未進士山東日照縣知縣（唐樓鎮志）

**虞拱宸**

字君樞四歲而孤事母至孝嘗侍疾衣不解帶一夜數起與長兄日宣同居四十二

**潘國楨**

字爾公邑人康熙五年冬母病醫藥罔效顯天封右股作羹以進母愈延五載十

**潘國楨**

年憲檄徵旌獎本縣舉國楨知縣王廷諒諗刀痕嘉歎

**潘國楨**

八年秋父病復刲左股父亦愈延六月有奇迨二親亡飲泣哀毀絕葷酒二十四

**潘國楨**

良久題曰孝行可風陳尚古有刲股行（仙潭文獻）

姚錦章

邑之黃金里農民也咸豐初年母病垂危醫藥罔效乃剖左股煎湯以進母竟愈〔采訪冊〕

沈應科

〔續周志〕父炯文乾隆中以事戍陝西之渭南卒於戍所應科尙幼長而往求叩牀下張氣息僅續告以瘞處理三巨石於上亟尋勿失言訖而歿應科哭拜出徧尋至一處有石微露指之果得三石再指則棺露木已朽矣炯文少時唇內墮一齒驗之宛然復醫指滴血血沁入遂負骨徒步以歸〔兩浙忠義孝弟錄〕

高冠

字元武早失恃事後母李氏如所生始終不渝知縣王廷諫採輿誦題曰賢孝〔仙潭文獻〕

徐師愈

〔續周志〕字景韓幼繼伯父為嗣伯父病目百藥罔效日為舐吮數十次遂復明家產讓於弟恃修脯奉養孝友無間能詩著有虛月軒吟藁〔李志參續〕

錄

徐漪

字文漪灑之曾孫鑑威之子性孝友訓蒙養親兄法任廈門千戶迎父往漪居家臥棺側三載如一日母既殯猶不內寢里人呼徐孝子無何父歿於閩兄亦繼亡一姪列行伍漪聞訃號痛幾絕力難奔喪惟設父主苦塊之忱一如母歿乾隆丙子秋漪矢誓捨身以取父兄之骸乃徒步往負骨歸葬說者謂千里崎嶇虎狼嵐瘴即健兒走卒且畏之而牖下僂軀竟直抵廈門遂志而返非孝感乎歸葬大發墩祖塋之側〔唐樓鎮志〕

徐顯曾

字雲攀號達夫品學端粹笑言不苟為人所欽家貧以詩書自娛有學吟詩草二卷登吳菴七律一首採入邑乘讀之者想見其襟懷曠達貧無以葬先人日夕傍徨懼遷延滋戾因設一匣縮衣并食積青蚨即貯匣盈則出之再貯名之苦計匣誓不懈乾隆癸未年五十四矣出積資卜葬離明里得償鳳願從未白其所由及卒子芬於舊帖

德清縣新志

卷八 人物

中檢得之始知父志謹藏守以傳示子孫嘉慶甲子邑尊周敬巖纂修縣志採載之家庭雍睦析箸時自甘恬退不與同堂昆季較有無每值祭餘贖產歸公不私所有家人偶一齒及即嚴聲厲色曉以大義惟孝友於兄弟斯人有焉〔采家乘〕

程貞

字履正其先歛人明季有避寇遷德清者遂為德清人祖父某官嘉興縣教諭以能鼓琴名父某為諸生貞生而敦樸不事彫飾年幼學容貌如成人好讀書質甚魯惟每得一解輒超然出於俗所論說於成豐乙卯始與戴望交嘗共習書數夜恆不寐從望得見顏氏書曰周孔之學在是矣仿之為日譜糾察身心得失與人交恂恂有禮雖僮僕走卒對之無惰容內行至孝於弟尤友愛逮庚申辛酉之交東南大亂貞奉二親避地東林山展轉遷徙其明年為同治壬戌遭父喪哀慟泣血鬱鬱成疾卒年二十有五

〔謫塵堂〕

傅范冕

字章甫四歲能背誦爾雅十四歲習天文算學尤長於英文父雲龍著美利堅合衆國圖經其月朔表州表多出其手書成進呈御覽性孝友兄范初疾父母憂甚女兄范淑初割股入藥范冕亦剪股以療兄解親憂也時年十二出於至性貌魁梧無疾言厲色而樂放生光緒乙丑年十八厄於疫卒〔纂喜廬文集〕

徐錦奇

字四寶縣之章家壩農民也能將順母意無疾言厲色以相忤母或思食雖夜必足以及風矣卒於光緒二年購歸一日母病錦奇割股煎湯以進尋愈人以爲誠孝所致農家者流而能出此年五十六〔采訪冊〕

蔡溥

字文溥邑人父可宗洪武間以贅壻何德璉事連坐戍小興州家屬俱往中途父卒負骨至戍所應父役嗣奉差南旋得葬父骨於故土而枕邊血淚未嘗一日乾遇赦凡籍沒者留一人餘許還又以役老得代弟淵有將才奉母命代役留戍乃與弟浩奉母還鄉房產已沒入官身無立錐地奮然謂弟浩曰貧富本無常余巧有餘拙不足耳

經營二十餘年浙西無與埒富暇時講究書史子姪咸尚之蔡氏言學自茲始正統間京師聞浙大飢命子姪各出粟一千七百四十餘石賑之大吏聞於朝勅書義澤延麻四字旌其門好義急公至老不倦而尤篤於孝友晚年自編所歷年譜著有蔡氏家範淵另有傳（同上）

### 蔡浩

字文浩號松雪當父之謫戍小興州也年僅垂髫及還佐兄溥重整家業富而好禮施不求報子凱承父訓出粟賑飢代完闔邑錢糧另有傳（同上）

### 蔡綱

字彥常號梅竹凱之兄也性仁慈樂施與年四十餘顛岐黃之術開藥苑關義學隱居拯人孳孳不倦景泰中浙閩大飢綱發粟數千石賑濟通郡全活者四百戶

詔授七品承事郎御書義澤延休四字以旌其門卒祀鄉賢祠（采家乘）

### 蔡凱

字元凱號節庵生於永樂庚寅年幼承庭訓好義如命初德清儒學舊在縣治之南正統六年邑令王敬調廟謂其雜處市廛非育才地遂擇基於縣治之東適凱

之別業也堪輿家謂之曰此地乃百寮山盡龍龜溪回繞乾元聳振卜居於此當世科甲凱日與其興一家科第孰若興一邑之大乎竟捨作學宮令欲倍價償之辭不受事載大宗伯胡濙儒學碑景泰中邑大饑民多逃亡凱告於縣獨出囊金代輸一年之課流民漸集時疫大作凱設藥局延名醫療治仁聲洋溢巡撫周忱聞於朝詔賜尚義建坊旌表又創漏澤園冬施絮夏施帳死者予棺葬者讓地善行不可殫述成化中又發粟賑濟撫按復奏聞詔授七品職辛未六月卒崇祀鄉賢祠春秋致祭子繩（另有傳）繼伯父後居文廟前盡以其地捐入學時稱父子濟美（胡承謀府志參蔡氏家乘）

### 蔡雄

字彥斌號琴鶴溥之長子兄弟六人一門雍睦景泰中浙閩大饑時與季父之子綱各出粟一千四百七十石助賑同成義舉有司上其事於朝欽褒義民子孫

科甲不替（采家乘）

### 蔡繩

原名誠字思明號靜廉尚義凱之子也知略超羣度量豁達凡民間疾苦經繩籌畫者當道悉從窮積著之理審察時變穀幣成業兩浙富莫與埒而居仁由義大

江以南受其澤者口碑載道成化間赤地千里饑民相望繩承父志發粟賑濟弘治八年叔祖能以總戎告老子宣應襲職早世族議以繩應繼上聞詔曰可遂襲神武衛將軍子中孚官福建道監察御史（采家乘）

### 蔡懋亭

字嘉會號東園慷慨好施樂善不倦任南安吏目有民胞物與之懷隆慶壬申巡按御史謝廷傑勒其名於旌善亭曰輕財重義和親睦鄰歸安唐樞為贊贈之（家乘）

一

### 胡離菴

新市胡氏遠祖也為趙提領贅壻趙卒離庵葬諸洋溪上以己祔焉後離庵之壻曰劉思峯思峯之壻曰沈滋能亦遵離庵之教各祔於外舅旁而萃為一邱其後

胡琮爾慥雲客璉及劉在明沈中階咸相繼登第胡氏尤盛今人以墓地冀富貴焉肯與異姓同兆域若離庵者豈可復得哉

### 陳應禎

慷慨好義當萬曆三年國賦孔亟民不堪命應禎乃預輸數年粟餉以紓小戶追呼之困子檀亦如之知縣趙卿表其門曰尚義

### 陳學曾

買西園陳氏地約五年弗贖則任營造學曾待之踰十年而仍以益價請彼人曰年已倍矣尚欲益我以價言誠長者我何可以小人自處遂拂衣去

### 劉在明

（續侯志）與仁和沈裳烏程沈公諒友善崇禎庚午俱以選貢赴試京師裳先有斥僕去為監門小吏乃囑邏卒誣以懷挾裳倉猝不能自明竟下獄在明持公

諒泣曰裳子身來無蟻子之庇而惡僕方甘心於其主我與若非以死爭安用友為遂與公諒挺身辨雪王直指義之據實上聞裳乃釋

### 沈秋水

字君延素尚義有世家子鸞身為奴知之還其券贈金遣歸族有逋賦拘禁者即竭貲代輸壽九十卒

早失怙事母孝有兄先沒遺二孤恩撫如己子外舅某垂老生男復翼而長清康熙九年洪水為災貧人乏食健行空廩窘為粥全活甚眾知縣王廷諫表其門曰一鄉善士胡僉吉去須臾有一人倉皇至詢得其實出原物還之其人願分酬以半僉吉不顧去踰月復賈儀幣踵門僅受聚頭扇一柄而已

**邱君錫** 字聲字生平樂行善事曾還人遺金事孀嫂三十五年如視母有姊亦少寡貧不能存活迎養於家者三十餘年體卹備至康熙己未四月召戚友端坐而逝

**吳正椿** 居共爨中外輯諧終身如一日伯父璞田生一子早世遺孤孫大純甫十齡會璞田疾革泣謂旭堂曰吾有薄積此子所賴以存活者爾心術端正必不負吾托吾以此累爾矣旭堂不得已泣而許之明日璞田歿為營殯歛訖即與伯母朱檢點所遺貲存質庫中權子母未幾朱又歿大純益斃無依欲攜之歸慮後日無以自白將聽其所為則又負前諾惟二伯父立齋能燭其隱遂召親族悉舉所有注記一冊而授之曰此可以絕嫌疑矣遂攜大純歸衣食教誨與己子無異每歲首必邀原議者計所贏餘注之冊歷五六

年子銀已積二千餘金而大純年亦十六矣方謀為納室忽患咯血症死旭堂一子為愛繼旭堂流涕曰伯父既有後矣又安用吾子竟不許議者又欲分贏餘之半酬出納勞亦不許即治具會親族盡出記注所有歸之應繼者洗手不私一錢人以此咸多之旭堂曰吾惟求無媿伯父之付託爾以此

**姬躍天** 字宗武邑庠生賦性慷慨嘗閒遊某寺遇素善邱某愁坐殿外怪而詢之曰吾為武曰此期一悞兩必相讎後此之事殆不可必吾當為成之即歸取錢十千付之曰慎勿言吾所助但云出君可也邱欣謝而去明日嘉禮遂成（以上俱沈亦然新市鎮續誌）

德清縣新志

卷八 人物

**虞振球** 字廣颺持躬端介不苟言笑待人忠義與物無競卒於乾隆辛亥年時人有古道不復再見之歎（采家乘）

**徐彝承** 字錫鉅號石琴竹窗次子十三四通經史能文章子集靡不綜貫受業於金岱峯俞劍花兩先生一時名宿見所為文輒稱賞不置時程紫垣袁理堂殷譜經孫廣士皆姻婭至戚相與論文勵行無虛日而鄉先達蔡穀山袁斗槐沈鼎甫尤器重之屢入鄉闈不售援例以詹事府主簿銓選性肫篤好施與尤精計學操奇計贏罔不億中自竹窗由德清卜居嘉興報忠坊家日豐裕至彝承益大門閭里黨戚族貨無不應嘗曰廣廈千萬間力有未逮當為桑梓謀公益以償夙願壬寅適英人攔入乍浦海口闔境騷然彝承獻防夷策萬言郡守徐信軒深為採納歲值歉收先捐米千五百石以助賑并首捐銀三萬兩建議修築嘉郡城垣及澈浦砲臺以防倭禾人遂踴躍輸將得以蕙事以免夷患彝承之力也尤邃於詩學說文詩具玉谿生風格說文則專主許氏如馬澹於張叔未程聽谿金匱錢梅谿吳中彭枕珊顧湘舟黃秋士皆吟社友也著有青翠平安館詩文集（采家傳）

**蔡漣** 字文漪號魚少好學工詞賦嘉慶間官嚴州府學訓導敦品勵行諸生仰之如陽明傳習錄楊忠愍公家訓教其子孫嘗曰讀書志在聖賢不在科第然性過嚴為族長時族中子弟偶犯小過無不嚴斥務令犯者洗心悔過而後已治家尤整肅婦女不窺中門僮僕不敢踰矩可為世法（采家乘）

**程維鈺** 邑人道光間股開典鋪於縣城直街慷慨嗜義地方善舉視力所及無不為之橋及黃紳際昌等修建並董其成諸紳盡其力維鈺除募捐外自輸尤多人稱曰梁大爺維鈺字鞠泉一字梁涵卒年六十五歲子肇奎有父風（阜安橋碑參采訪冊）

新增

賈華

字伯華邑庠生畢業於浙江師範學堂清光緒三十二年任漢口釐捐分局委員調任四川寧遠府分府委員以軍功異常常勞績保歸部銓選知縣委充江西九江大清銀行總辦光復後充溫州樂清縣長林場知事性孝友侍奉父母克盡事親之道母中年遭賊疾呻吟床第待第凡六閱月衣不解帶又割股療治親疾迨後二親逝世喪葬備具飾終之禮訓誨其弟毅勤懇懇二十載如一日使知奮興向學養親處世足以表彰之華平生嚴毅剛直不妄言笑每獨坐一室博覽羣書於新舊學說能融會貫通發為政事經濟允稱卓然名家人有以非禮干者凜然不可犯與人相接極重然諾地方公益善舉學務盡力為之悉秉義方之教與華先後媲美者有徐士駿士駢莫惟良丁炳浩寺各以行誼敦篤分邀大總統褒題事實尤多可采人咸稱道之（行述參采訪冊）

方技

陸頤

字養濟號琴月歸安梓墟里人五世祖青山者傳南陽活人之術至養濟始移居新市業以大起環數百里內病之須治者必詢陸氏養濟之名著於吳下（新市鎮志）

邱珪

字廷用景泰間以名醫被選入京隸業太醫院時宮掖邸第之有疾者經其治療罔不愈邱醫之名傾動輦下成化三年以年逾六十得告南歸有旨賜冠帶行本縣遣官賞羊勞慰勞適醫學缺官縣白之上司舉掌學記者成化十年卒（采訪冊）

德清縣新志

卷八 人物

陸鶴鳴

頤仲孫字九臯號聲野授醫學訓科後著成績賢壻仰大任繼其術

金應奎

擅醫術名著語溪號核齋自崇德韓村遷新市人號

唐科

唐一貼喻其效速也達之曾祖字世章楊州孫耀家僮也耀世業醫文習之治疫輒效郡中韓溫諸大家爭迎之尤精傷寒撫耀孤終身事之不衰義尤可嘉（俱仙潭後志）

楊文

號仰川韶村人精幼科年九

沈明儒

字伯勳號高生邑附貢生善詩賦精醫理畫花卉得元人遺意蘭竹尤為精妙惟晚年醫務甚繁畫為醫所掩子經燿經燿（采訪冊）

蔡與齡

字子久弱冠行醫不數年醫道大昌名大噪光緒甲辰被匪劫載至太湖索萬金

金有恆

會匪夥有董某者先因貧病就診而愈銜其恩乃會大幫鄭某內外援應竟脫其險由是醫名愈震而醫術益精師古不泥知今不徇原本古方參以灼見執兩用中不譏同業抱已溺已飢之志運無固無我之心三十年間活人無算晚年名達燕京曾奉徵召門人滿江浙平生公益慈善自治教育多創舉尤多捐輸建國後十年七月卒年五十二有醫案行世弟有壬子濬（采行述）有恆既卒程森輓句有云醫國先醫人盛名徧海內仁心亦仁術生傳列篇中蓋紀實也（參觀徵召）

趙鳳

字允文雍子畫蘭竹與乃父亂真祖孟頫每題作已畫故其名不顯弟麟字彥徵以國子生登第為江浙行省檢校善畫人馬（圖繪寶鑑）按趙鳳及弟麟係雍字仲穆之子孟頫字子昂之孫趙氏賜第湖州子昂居德清故鳳麟為德清人

張文樞 字石隱幼嘗爲僧能畫山水學巨然亦善墨竹〔圖繪寶鑑〕

虞應樾 字春枝邑諸生與若上奚虛白友善善蘭竹不多着墨而備風晴雨露之態〔墨林今話參書畫錄〕

沈銓 〔續周志〕字衡之號南蘋新市人工寫花卉翎毛設色妍麗畫人物得不傳之秘工秀絕倫雍正間日本國王持倭牌聘往授畫三年辭歸國王贈予鉅萬同舟

人受簿錄累傾所有以償歸家不名一錢〔隨園詩話參吳興詩話墨香居畫識〕姪天驥最得銓法惜年不永故傳世甚稀〔新市鎮志〕

童衡 〔續周志〕字聘三新市人沈銓弟子善翎毛走獸形體酷肖驟見者莫辨真偽日本人甚珍重之〔采訪冊〕

陳補蘭 新市人善畫花卉甚工整子儒珍

陳儒珍 號訪池得家傳繪仕女更勝前人筆致清秀有書卷氣胎息名家光緒間聲名大噪〔均采訪冊〕

談德壽 字壺山少時因故深自韜晦致力書畫善學曹全碑花卉翎毛甚蒼古尤精鐵筆〔采訪冊〕

徐樹基 字松孫晚號公恭別號吳羌山民邑增生性瀟灑善談諧工畫花卉尤精松鶴猴及著色山水祖七松父穉松亦以書畫名〔采訪冊〕

陳漁 字偶漁邑人性孝友好吟咏善丹青嘗僑寓歸安之荻港畫傳於吳興〔兩浙輶軒續錄〕

蔡升初 字可階邑人擅寫照得曾波臣法用筆古秀傅色高雅非貌似者可比往來禾城時稱獨絕然非其人雖多金不能強之握管遇知己則濡毫不倦其性僻如是兼作花卉樹石亦超然絕俗〔墨林今話〕

又中片墩徐陞福亦擅寫照工力堪匹升初多傳作〔采訪冊〕

德清縣新志

卷八 人物

李振儀 號次山新市人武生精拳術善雙刀尤工塑像家中小窰造多承盤中各種文具塑覺海寺金剛二尊以東首兩尊讓客手自居於地主也每夕臨臥輒拋撇雙鞋

任其所置有徐文長之風〔采訪冊〕

沈澄 字一秋又號白華道人仁和人工人物花鳥山水頗得石濤遺意詩字亦超脫光緒十五年住開元宮時適水災求畫者束紙四尺需米一石悉以助賑光緒癸未

羽化於唐樓之福清宮即葬於山後〔唐樓鎮志參采訪冊〕

際祥 字主雲號澹人新市人俗姓宋先住歸安荻埭之演教寺後移杭州淨慈際祥書畫皆學董其昌畫尤古淡有神致似王原祁工詩王昶嘗稱其佳句云桃花香似

飯水氣冷於冰阮元嘗贈以聯云南屏秋色歸詩版北苑春山證畫禪〔採訪冊〕

芝田 邑人入明因寺爲僧誦經之暇以篆刻及繪事自娛間亦吟詠風度閒雅乾隆丁未坐化〔廣印人傳〕

朱芾 字友巖桐鄉人入籍德清性倜儻善談諧研究金石尤精鐫刻吳興陸心源搜古軼芾爲鑑別圖章邊款扇骨沙地追宗浙漢派極蒼古邑人珍之卒年四十餘無

後〔采訪冊〕

徐楚善 字浦芷邑附生精金石工力能匹朱芾惜年甫強仕以瘵卒故傳作不多〔采訪冊〕

徐立善 字栗園晚號笠翁邑諸生江蘇淳化巡檢曾館吳興陸氏暢觀名人真蹟善山水驅染煙墨秀雅絕倫能得蒙泉山人筆意字學王文治能酷肖〔參寒松閣談藝

鏤錄

范自行

石君平氣度  
〔聽雨軒〕

蘇州人善文章隱於相字乾隆間寓於邑之紫陽觀所言不多而義理明徹吉凶禍福指示若神每日得錢以自給為率過此則垂簾謝客絕非賣卜者流能似謝

厲賢

王洋

字元渤山陽人〔淮安府志〕由舉人中宣和二年甲科紹興初以右贊善命直徽猷閣歷典三郡所至有異政官太學博士時秦檜為丞相而直道正辭亦擯勿用晚守鄱陽洪忠宣皓適以使北歸人無敢過其居洋獨修謁故坐事免官葉夢得嘗為洋言劉貢父為漢史詩以為杜詩功曹非復漢蕭何為誤用事信乎洋曰高紀蕭何為主更孟康注曰功曹也王定國猶知之詩史豈誤哉夢得歎服吳興備志引嘉定山陽志洋寓居德清與方淑鄒構劉一止最善〔勞志〕撰東牟集三十卷〔湖錄〕

劉一止

〔續侯志〕為詩自成家著有類稿五十卷及茗溪集三十卷〔談志參宋史〕

韓元吉

〔續侯志〕事蹟列宋史志

袁說友

字起崖建安人寓居德清隆興元年進士曾兩度任吏部尚書嘉泰三年以資政殿學士致仕四年卒於德清年六十五魏了翁推為耆臣宿弼〔宰輔編年錄及

鶴山集

劉光祖

〔續侯志〕安陽人寓居新市由右文殿修撰歷顯謨閣直學士趙汝愚稱其論諫激烈似蘇軾懇惻似范祖禹世以為名言所著有後溪集十卷卒葬清溪良山

〔宋史參真西山劉君墓志〕

吳柔勝

〔續侯志〕為淵潛之父卒贈太師〔宋史列傳〕

鄭如幾

字維心太末人宣和中寓居龜溪之陰從夢得沈與求諸公遊學識賅瞻一時紀成詔遠之作多出其手屬世多故不求聞達無位而終如幾以陳壽三國志紀載無法作魏春秋凡裴松之所注悉為正文考訂精詳〔胡志藝文引談志〕

方淑

字智善祥符人進士紹興初為德清丞愛溪山之勝遂家焉〔王志云寓德清石壁山〕歷官翰林學士秦檜當國訪以時事大忤檜意遂罷歸淑洞曉音律嘗著切字一卷與王洋劉一止徜徉山寺以詩酒為樂〔張志參西吳里語〕

沈度

字公雅儀真人〔朱子崇安社倉紀參揚州志〕居德清〔范成大驂鸞錄有過德清往公雅考室語案揚州志以為播之曾孫播本德清人故公雅復居德清也〕紹興中令餘干田無廢土市無閒居獄狎無宿繫民謳歌之〔通志〕隆興二年以考功郎中直秘閣知平江府乾道二年七月召赴行在上曰甲申之歲委卿守吳門未幾治行昭著可謂得人曰二年以來水滂軫憂惟恐懼修省以百姓為念耳度奏臣到郡水歉艱食蒙陛下捐四萬石馬料以賑濟全活甚衆上曰太守措置漢宣帝所謂與我共理者其惟良二千石乎即以中書門下檢正諸房文字〔王鑿姑蘇志〕乾道四年以直龍圖閣知建甯府是時朱子居崇安與鄉士劉如愚創立社倉度以錢六萬緡助之〔晦庵集崇安縣五夫社倉記〕乾道九年權兵部侍郎兼臨安少尹淳熙改元除權兵部尚書旋除龍圖閣待制在外宮觀〔咸淳臨安志〕

曾協

字同季南豐人文昭公肇之孫〔傳伯壽雲莊集序〕始家湖州之德清年十九府通判乾道九年權知永州卒〔雲莊集〕官至奉正大夫考古著書有雲莊集行於世子炎燮〔攻媿集〕炎別有傳

李元綱

字國紀錢唐人乾道間以上庠賢士寄居德清之新市力學不倦雖處困窮操履益堅怡然自得其學以存心養性為本撰聖門事業圖三西銘解厚德錄言行編諸書一王介聖門事業圖序一

趙孟頫

字子昂宋太祖十一世孫賜第湖州故孟頫為湖州人入元以經學文章才藻歷封魏國公諡文敏孟頫所著有尚書註有琴原樂原得律呂不傳之妙詩文清邃奇逸讀之使人有飄飄出塵之想篆籀分隸真行草書無不冠絕古今遂以書名天下竺有僧數萬里來求其書歸國中寶之其畫山水木石花竹人馬尤精緻前史官楊載稱孟頫之才頗為書畫所掩知其書畫者不知其文章知其文章者不知其經濟之學人以為知言子雍奕並以書畫知名一元史一孟頫居德清並有德清間居賦行世卒葬縣北東衡里一採訪冊一夫人姓管氏另有傳

嚴元照

字修能號九能歸安人寓德清四歲能作大字八齡據案作諸體書求書者盈戶外四方號稱奇童比長治經史務實學其為諸生見知於大興朱珪儀徵阮元江以南鄉先生有學者聞其名咸折輩行引以為友而絕意進取薄舉子業不欲為刻厲為古學最熟於爾雅作匡名旁羅異文軼訓鉤稽而疏證之以補邢昺所不逮故歸安石冢村創芳茶堂聚書數萬卷多宋元槧本寢食於其間漱其精液有所得質之其父而書之積久成帙曰娛親雅言晚年移居德清所識老成半凋謝無出游之樂則益鍵戶肆力於詩古文辭讀書處名柯家山館實朋唱和無虛日有悔庵文鈔詩鈔皆卓卓可傳一鑑止水齋集參潛研堂集一葬於柯家山館光緒間歸安陸心源樹松立碑題曰處士之墓姪鼎臣字徐卿精小學工辭章其詩古質淳厚七古尤健勁有力文則一本先民矩矱而能出之以自然纏綿往復善於言情著有說文聲律表蘋州草堂集一孫燮撰序參耐冷談

梁同書

字元穎號山舟錢塘人少校讀於南門外戴士宏家士宏年九十七五世同堂同書贈以聯語云子復有孫孫有子婆又稱媳媳稱婆一時傳為佳話同書吟咏甚多戴氏刻石藏之向有十八塊亂後祇存其十與北門嚴修能為至友烏山許宗彥為至戚乾隆壬申由進士官翰林院侍講嘉慶丁卯重宴鹿鳴加翰林院侍講學士銜書法顏柳中年用米法七十後愈臻變化名滿國中日本國有王子好書以其書介商舶求評定琉球人自太學歸國曰國王命一見乞書一紙持以復國王少工詩與儕偶唱酬風華雋瞻神韻彌遠一許宗彥傳略一居鄉儉於自奉一冠數十年不干謁當道不為人慶壽雜實不廁座繼羽不入門尤為士大夫所矜式一陳鴻寶序略一老師宿儒文人詞客踵門來見必倒屣迎之其浙閩貴人軒車過訪報以一刺外未常往也東南士大夫碑版及琳宮梵宇題額有求輒應而節鎮屬書則屢年不報海內益以此推重之年踰八表明燈矮紙猶能運筆人謂唐歐陽信本明文衡山之比一蒲褐山房詩話一卒崇祀鄉賢祠一採訪冊一

吳曾貫

字潤純石門籍寓居新市鎮嘉慶丁卯舉人丁丑成進士始任陝西盤屋縣實行保甲秋兩傷穀捐廉賑之調渭南有兄弟爭產訟十餘年未結委曲開導皆感泣遂和好如初詩擅五言長律修表忠觀新落成用八庚全韻不遺一字於工穩中時露神韻人稱吳八庚周紹濂續縣志曾任分輯著有仕津要言渭南河渠考補硯齋詩集有女聰慧能文適鎮人沈亦然別有傳一兩浙輶軒續錄參採訪冊一

呂步蟾

字星槎石門增生世居新市生有至性曾割股以療母疾以力學早世有陰稟待梓妻徐氏守志終身人稱一門節孝一採訪冊一

陳念曾

號青巖仁和籍廩貢生久居德邑西門內九松嶺性豪放少負才氣科試輒列前茅鄉試屢薦屢屢遺講求經史與松齋王誠巽齋江毓荃相友善無子遊山左繼其族子為嗣攜之歸辛酉歲有賊至邑人均移徙獨與其妻子留城妾匿內室聞念曾與賊分座談論未幾挾之而去自此絕無蹤跡子幸避免旋病卒其所著藕香居詩稿亦隨佚

(採訪冊)

王誠

字存之號松齋世籍武康寓居清溪事繼母以孝聞少穎敏九歲能文博覽羣書進設絳帳於德清吳興垂二十年桃李盈門生平著作等身善古文辭尤工制藝詩宗韓蘇格律高邁晚年尤精易理自號退修子避匪氛轉徙苕滬間備歷艱苦處之泰然都中

隱逸

王應中

元末人字剛仲號樓巖先生王氏本臨川後遷諸暨其來仙潭則諸暨之更徙也應中在元嘗從事於科舉既屢試不第乃不復求仕隱居教子卒啓仙潭王氏衣冠之盛(新市鎮志)

胡嗣宗

天順間人號拙訥先生為人敦朴好古家居授徒以度昕夕遇所未見書籍手抄目披繼燭不倦所著有仙潭事蹟(仙潭鎮志)

侯綸

瑄以甲第顯胡瓏王顯輩以詩名聞皆出其門下年逾八秩以恩例膺冠帶宏治中卒有詩稿藏於家(新市鎮志)

胡瓏

字廷圭號一樵晚號西潭野叟資稟靈恪頗涉書史文字一經指授即能之詩亦圓健通暢食貧守素不慕榮達年逾七十以疾卒所著有一樵冗稟存於家(新市鎮志)

王顯

字俯之一字采伯號巖仙幼失怙常有志科舉之業不第專攻詩能篆隸行草諸勢分視之漠如也從游者欲釀金為其營構居仙潭後寓苕城士大夫多與之遊然於人之跡似俞秀老近古之逸民也(新市鎮志)卒葬吳興道場山施一儒撰碑題曰詩人王巖仙之墓(吳興詩存)

朱文正

字希范號篠亭早年遊邑庠刻意舉業既而父歿母老中年且不得第遂棄去不復試正德中詔書授益王府引禮舍人不赴居常以吟詠自娛復喜古人句為詩有集古宮詞百首他作稱是優游自適問混跡市廛人不知也(新市鎮志)

方外

子瑀

字真瑛姓沈氏年未總角辭親出家如意年遊東京大福先寺受戒假寐證聖中夜無燈燭心口是念圓光照室如坐月中常喟然曰德清偏邑罕有塔寺於是繕以香臺作以菑殿前後寫經二藏一萬六千卷晚節工於禪門頓入懸解天寶十一年禪坐滅度(釋清畫大雲寺禪師瑀公碑銘)

真乘

姓沈氏(續侯志)總角請於父出家得度時已暗誦五百紙比令口諷一無差柄兼講無虧後在護國寺撰法華經疏記十卷元和十五年無疾終(宋高僧傳)

文喜

姓宋氏禦兒溪人出家本邑乾符己亥避地餘不鄉刺史杜孺林請住仁王院廣明年夏有蝗飛翳天食田苗喜自將拄杖懸袈裟標於吠澮中其蟲將下遂厲

聲叱之悉翻飛而去千頃之苗斯年獨稔其感通如此光啓  
三年武肅王牧杭郡請住龍泉廡署未幾終（宋高僧傳）

### 贊甯

姓高邑人（續侯志）實正中捨身杭州靈隱寺為僧已而入天台山受具足戒  
或溢出石塘贊甯與延壽建塔於江干鎮之潮由是復循故道太平興國三年忠懿王入  
宋贊甯奉舍利真身塔以朝太宗聞其名召對資福殿賜紫方袍尋賜號曰通慧命充翰  
林史館編修纂高僧傳三十卷內典集一百五十卷外學集四十九卷聽歸杭州舊寺居  
無何徵入汴京住天壽寺參知政事蘇易簡奉詔撰三教事迹奏贊甯與太乙宮道士韓  
德純分領其事制置左街講經首座至道元年知西京教門事咸平元年充右街僧錄年  
七十八與至道九老會八十餘卒諡曰圓明大師葬龍井贊甯博物多識辨說縱橫又著  
通論及筍譜物類相感志諸書王  
禹偁深歎服之（十國春秋）

### 仲淵

字潛老蘇子瞻為郡仲淵投以詩曰文章聊落昌黎老風物蕭蕭李謫仙二子本  
來為獨擅使君才力已雙全大為蘇公稱許後祝髮霖林蘇為親書度牒叢林（

### 了義

初名斷崖姓楊（續侯志）幼從其母誦法華經於人世懵無所知年十七見高  
峯於天目山令提萬法歸一一歸何處話因名之曰從一他日過鉢孟塘見松上  
雪墜有省即詣峯呈偈被打去未幾歸德清其母為賣簪珥同入武康上柏山結茅以居  
踰年還山見峯說偈開悟（偈語俱見侯志）改其名曰了義律範大閑凜如冰雪所至  
四眾歸重公侯貴人爭相迎奉無虛日泰定三年徇眾請住正宗禪寺參學之眾輻輳而  
至元統元年除日忽謂從者曰明日天台去也翌早果坐化順帝賜銘（道園學古錄斷

### 汪道人

失其名建炎中張循王俊捨地為佑聖祠以汪  
道行高妙舉為管勾道人齋醮精虔有禱必應

### 鄧子文

建炎中人主勾東岳行宮精於齋

### 陶永太

江西廣信府人成化中雲遊至鎮遂棲迹於東岳行宮  
善五雷之法禱祈有應鎮人呼陶法師年七十餘卒

### 若愚

（續侯志）俗姓馬字谷老元祐間出家於覺海寺與參寥辨才同有詩名  
東坡稱之曰他日當振辨才家風性嫉惡世稱法鑒講師有餘塵集行世

### 道甯

號謚菴能詩有心計今慧通寺改建乃其創始永樂中謫五  
臺後復主席凡堂殿門刹皆次第營構實本寺開山之僧

### 僧珮

慧通寺主僧戒行高潔臨寂命買江魚至對之曰汝要喫我  
不喫如是者數次竟不食而化平生善吟有詩集存於寺

### 東明和尚

失其名本餘杭縣東明寺僧也去髮留髭貌類胡僧行脚所至輒自圖其像俾  
留供養天順中至覺海寺挂塔寺之老僧言其頗能前知每善信來設齋輒預

言之後不知所往遺像  
尚存（俱新市鎮志）

### 永明智覺禪師

出家住持博陸慧日寺與長耳定光更相唱和主永明寺十五載度弟子  
一千五百人考永明即大善寺也禪師號又永明更住持大善寺誠僧寺

兩相得矣（采唐樓鎮志）

### 讓山

里居未詳耽吟詠初主南屏淨慈寺後愛唐樓山水之勝遂駐錫於大  
善寺來主方丈杭堇浦太史世駿慕訪有詩紀其事（唐樓志略）

卷八勘誤表

頁	面	行	字	原	文	更	正	備	註
一	後	九之二	十	筆	呼	竿			
三	後	六之二	十一	(脫字)					
又	又	又	十一	文	(衍刪)				
四	前	一之一	一至二	除年	年除				
又	後	一之二	十五	王	玉				
十三	前	三之一	二	徐	徐				
十四	後	五之一	二十七	謝	鑿				
十五	前	四之一	三	祠	位				
二十一	前	十二之一	二	博	戰				
二十二	後	二之一	四	藉	籍				
二十三	前	十之一	十二	勸	勸				
二十四	前	二之二	三十	字	子				

德清縣新志

卷八 人物

四十

德清縣新志卷八終

二十八	後	六	二十二	將	蔣				
三十	前	九之二	二十五	方	力				
又	前	十之一	三	著	著				
三十三	前	一	一至三	(脫字)	姜健行				
三十四	前	一	一至二	新增	(衍刪)				
又	又	三之二	十及十二	第侍第	第侍疾				
又	又	七之一	二十	寺	等				
又	又	十二之一	六	勞	酒				

三大字